

ՆՈՐ ԵՎ ՆՈՐԱԳՈՒՅՆ ՊԱՏՄՈՒԹՅՈՒՆ

ՎԱՀԱՆ ԲԱՅԲՈՒՐՅԱՆ

ԻՐԱՆ-ԱԴՐԲԵՋԱՆ. ՀԱՐԵՎԱՆՆԵՐ ԹԵ՞ ԱՇԽԱՐՀԱԲԱՎԱԶԱԿԱՆ ՈՒ ԱՇԽԱՐՀԱՆՏԵՍԱԿԱՆ ԱՌՈՅԱՆՆԵՐ

Խորհրդային Միության փլուզումից և նորանկախ պետությունների այսպես կոչված «հարավային գոտու» ստեղծումից հետո, հետխորհրդային վիթխարի չափերի հասնող երկրամասերում բախվեցին բազմաթիվ երկրների աշխարհաքաղաքական և աշխարհատնտեսական շահեր: Անշուշտ մրցակցությունը հիմնականում գնում էր Ռուսաստանի Դաշնության և ԱՄՆ-ի միջև: Սակայն տարածաշրջանում իրենց ռազմաքաղաքական և մասամբ նաև տնտեսական հզորության վերաբերյալ մեծ համարում ունեցող Թուրքիային ու Իրանին թվում էր, թե Անդրկովկասում առաջացել է վակուում, որը լցնելու իրավունքը առաջին հերթին վերապահված է հենց իրենց: Ուստի Անկարան և Թեհրանը միմյանց հետ մտան թեժ մրցապայքարի մեջ, միմյանց կանխելու և ժամ առաջ հաստատվելու Այսրկովկասում, այնտեղ առաջատար դիրքեր ձեռք բերելու և թելադրող ուժ դառնալու հեռահար մտադրությամբ:

Հայաստանն, անշուշտ, դուրս էր թուրք-իրանական մրցակցության դաշտից, որովհետև հասկանալի պատճառներով Թուրքիան չէր կարող այնտեղ որևէ ձևով ծավալվել: Առավել ևս, որ 1993թ. ապրիլին նա փակեց Հայաստանի հետ իր սահմանները, շրջափակման ենթարկելով նրան: Դա ուղեկցվեց Անկարայի կողմից Բաքվի քաղաքական կուրսի անվերապահ պաշտպանությամբ: Հայաստանի հետ հարաբերություններում Անկարան իր արտաքին քաղաքականությունը դարձրեց Ադրբեջանում իր սեփական շահերի պատանդը: Կասկածից վեր է, որ Թուրքիայի սերտ կապերը այդ համրապետության հետ թելադրված էին ոչ միայն մշակութային, լեզվի, պատմական գործոնների մմանությամբ կամ ընդհանրությամբ, այլև Ադրբեջանում սակա էժան էներգետիկ ռեսուրսներով:

Հետևաբար թուրք-իրանական մրցապայքարի կիզակետում մնում էին միայն Վրաստանը և Ադրբեջանը: Այս վերջինիս հետ հարաբերությու-

յունենեում Իրանն ուներ կարևոր առավելություն՝ բավականին մեծ ընդհանուր սահման: Ադրբեջան ներթափանցելու համար Իրանը խույս ուներ հենվել այդ երկրի շփոթական մեծամասնության աջակցության վրա, շրջանառության մեջ դնելով ինչպես կրոնական կարգախոսները, այնպես էլ այդ երկրի հետ Իրանի «դարավոր պատմական»:

մշակութային ավանդույթները»: Մինչդեռ Թուրքիան Ադրբեջանի քաղաքական կողմնորոշումը իր կողմը շրջելու համար ինչպես միշտ, ասպարեզ հանեց երկու թյուրքալեզու «եղբայր ժողովուրդների արյան կանչը»:²

1989թ., այսինքն դեռևս Խորհրդային Միության գոյության տարիներին, Թեհրանը և Մոսկվան ստորագրեցին հյուպատոսական մի համաձայնագիր, որը նախատեսում էր, որ երկու երկրների քաղաքացիները, որոնք բնակվում են սահմանային գծի 45 կիլոմետրանոց գոտու երկու կողմերում (ԽՍՀՄ-ի և Իրանի միջև սահմանային գծի երկարությունը կազմում էր 2250 կմ.) կարող են առանց վիզայի, տեղական իշխանությունների թույլտվությամբ, հատել այն: Դրա հետևանքը հանդիսացավ այն, որ 1989թ. դեկտեմբերի 31-ին Նախիջևանի Ինքնավար հանրապետության սովետա-իրանական սահմանի հատվածում տեղացի ազերիները քանդեցին ու ավերեցին սահմանային նշաններն ու մետաղյա արգելափակոցները: Իսկ 1990թ. հունվարին Խորհրդային զորքերի Բաքու մտնելու նախօրյակին, հորդեցին Իրանի տարածքը, պատրվակ բռնելով սահմանի այն կողմում իրենց ազգականների հետ վերամիավորվելու ձգտումը:³ Մ. Գորբաչևը մեղադրեց նրանց խոսնելիզմին տուրք տալու մեջ: Մինչդեռ մինչև օրս այդ իրադարձությունը Բաքվում պաշտոնական մակարդակով մեկնաբանվում է որպես «անկախության համար պայքարի մի վառ ու հիշարժան դրվագ»:

1990թ. հունվարի 19-ին Նախիջևանի ԻՀՀ Գերագույն Խորհուրդը որոշում ընդունեց ԽՍՀՄ-ի կազմից ինքնավար հանրապետության դուրս գալու մասին և վկայակոչելով 1921թ. Կարսի պայմանագիրը, օգնության խնդրանքով դիմեց Թուրքիայի հանրապետությանը, ինչպես նաև Իրանի Իսլամական Հանրապետությանը, ՄԱԿ-ին և մի շարք այլ պետությունների ու միջազգային կազմակերպությունների: Հենց այդ ժամանակվանից սկսած Իրանը գործում կերպով ներգրավեց ադրբեջանական քաղաքականության ոլորտը՝ որպես տարածաշրջանային ուժի ազդու կենտրոնի:

ԻԻՀ-ը առաջիններից մեկն էր, որ ճանաչեց Ադրբեջանի Հանրապետությունը (1991թ. մարտի 12-ին): 1991թ. Իրանի արագորձնախարար Ալի Աքբար Վելայաթին պաշտոնական այցով մեկնեց Մոսկվա, իսկ այս ուղևորություն կատարեց Սիջին Ասիա և Ադրբեջան: Այցի ընթացքում Բաքու ցանկություն հայտնեց Իրանի հետ ունենալու սերտ հարա-

բերություններ։⁴ Կողմերի միջև ստորագրվեց համաձայնագիր քաղաքական, տնտեսական, զիտական ու մշակութային համագործակցության սկզբունքների մասին։ Այցի ընթացքում քննարկվեցին մաս Ադրբեջանի և Իրանի համար ռազմավարական հետաքրքրություն ներկայացնող հարցեր։ Որպես այդ բոլորի հետևանք, իրանական կառավարությունը որոշում ընդունեց Ադրբեջանի հետ համատեղ Իրանի տարածքով կառուցել մի երկաթուղի, որը Ադրբեջանը կապելու էր Նախիջևանի հետ, Բաքվում բացվեց «Իրան-Ադրբեջան բարեկամության պալատ», հիմնադրվեց «Իրանա-ադրբեջանական բարեկամության ընկերություն», որը սկսեց հրատարակել «Բաքվի ձայն» շաբաթաթերթը, «Իմամ Խոմենի» բարեգործական միությունը մշտապես օգնություն սկսեց ցուցաբերել ավելի քան 250 հազար չքավոր ադրբեջանցիների և այլն։ Առհասարակ, ԻԻՀ նախագահ Աբբաս Հաշեմի Ռաֆսանջանիի կառավարման շրջանում (1989-1997թթ.) Իրանը մեծապես նպաստեց, որ Ադրբեջանը ընդունվի ՄԱԿ-ի, Իսլամական Կոնֆերանս կազմակերպության, նորաստեղծ Տնտեսական համագործակցության կազմակերպության (ԷԿՕ) և այլ կառույցների մեջ։⁵

1991թ. օգոստոսին Ադրբեջանի հանրապետության առաջին նախագահ Այազ Մութալիբովը ԻԻՀ կառավարության հրավերով պաշտոնական այցով մեկնեց Թեհրան։ Այցի ընթացքում նա հանդես եկավ հայտարարությամբ, որ Ադրբեջանի մերձեցումը Արևելքի երկրների և առաջին հերթին Թուրքիայի և Իրանի հետ ինքը համարում է «միանգամայն բնական ու դրական երևույթ»։ Զննարկվեցին վոխշահավետ համագործակցությունն ընդլայնելու, երկու երկրների միջև «բարդիդրացիական ու եղբայրական հարաբերությունները անշեղորեն զարգացնելու ու խորացնելու» վերաբերյալ հարցեր։⁶

Այդ այցից հետո, 1991թ. հոկտեմբերին, Բաքվում իրանական հյուպատոսությունը վերածվեց դեսպանության, իսկ Թեհրանում բացվեց Ադրբեջանի դեսպանություն։ Սիւսժամանակ Իրանը որոշակի օգնություն ցուցաբերեց Ադրբեջանին մաս այդ պետության արտաքին քաղաքական գերատեսչությունը ձևավորելու գործում։ Մասնավորապես Իրանի ԱԳՆ ընդունեց հատուկ որոշում, որի համաձայն ամբողջ աշխարհում Իրանի դեսպանությունները պետք է աջակցեին և զանազան ծառայություններ մատուցեին ինչպես ադրբեջանական դիվանագետներին, այնպես էլ այդ հանրապետության քաղաքացիներին։⁷

Ամվարան կարելի է ասել, որ Այազ Մութալիբովի կառավարման շրջանում իրանա-ադրբեջանական հարաբերությունները ընթանում էին սաղմնավորման ու ձևավորման խաղաղ հունով։ Սակայն այն բանից հետո, երբ ազերի ծայրահեղ ազգայնականների կուսակցության՝ Ադրբեջանի Ժողովրդական ճակատի (ԱԺՃ) ուժգին ճնշման ներքո 1992թ. մար-

տի 3-ին Ա.Մութալիբովը ստիպված էր հրաժարական տալ և հեռանալ երկրից, իրանա-ադրբեջանական միջպետական հարաբերությունները թևակոխեցին քաղաքական տեղատվության փուլ:

1992թ. հուլիսի 7-ին Աբուլֆազ Ալիևը (Էլիբեյ) հռչակվեց Ադրբեջանի նախագահ: Նրա ստաջին հայտարարություններից մեկը համդիսացավ այն, որ Ռուսաստանը և Իրանը սպառնալիք են համդիսանում Ադրբեջանի անվտանգության համար, ուստի Բաքում պետք է դաշինքի մեջ մտնի Թուրքիայի և ԱՄՆ-ի, ինչպես նաև Արևմուտքի այլ տերությունների հետ: Էլիբեյը փորձում էր համոզել իր երկրի հասարակական կարծիքը, որ «Ադրբեջանը թուրք և ամերիկացի բարեկամների օգնությամբ կվերածվի տարածաշրջանի ամենագարգացած երկրի»:⁸

Էլիբեյի կառավարությունը հանդես եկավ ռազմաշունչ ծավալապաշտական հայտարարություններով ազերիների հայրենիքի «գերության մեջ գտնվող մասը»՝ Իրանական Ադրբեջանը «ազատագրելու» և «երկու Ադրբեջանների միավորման» վերաբերյալ: Ադրբեջանի Ժողովրդական ճակատի ծրագրի մեջ մտցվեց հատուկ կետ այսպես կոչված «Հարավային Ադրբեջանը» նորանկախ Ադրբեջանի հանրապետությանը միացնելու անհրաժեշտության մասին:⁹ 1993թ. մարտին թուրքական «Թուրքիշ թայմս» թերթին տված հարցազրույցում Էլիբեյը նշել է. «Իրանն ապագայում կմասնատվի. նրա տարածքում կստեղծվեն հինգ՝ քրդերի, բելուջների, արաբների, ֆարսերի և թուրքերի երկրներ: Ողջ Ադրբեջանը միասնական կդառնա և ծնունդ կառնի 40 միլիոն ազերի բնակչությամբ երկիր»:¹⁰

Էլիբեյը կտրականապես մերժում էր նաև դարաբաղյան խնդրի խաղաղ կարգավորման հարցում Իրանի ցանկացած միջնորդություն կամ քաղաքական նախաձեռնություն: Նրա այդ դիրքորոշման հետևանքով Իրանը լիովին դուրս մնաց խաղաղ կարգավորման գործընթացից:¹¹

Էլիբեյի քարոզչության ազդեցության ներքո Ադրբեջանի հանրապետությունից ազերիների խոշոր զանգվածներ ջարդ ու փշուր անելով սահմանային արգելքները, կրկին սկսեցին զանգվածորեն ներխուժել Իրանի տարածքը: Ի պատիվ իրանական կառավարության պետք է նշել, որ այդ օրերին նա դրսևորեց կատարյալ զսպվածություն, թեև Իրանում առկա էին ուժեր, որանք գտնում էին, որ պահը միանգամայն պատեհ է Ադրբեջանի հանրապետության դեմ ձեռնարկելու ինչ-ինչ քայլեր:

Էլիբեյի պանթյուրքիստական կողմնորոշիչները, նրա կողմից «արյունակից եղբայր» Թուրքիան ռազմավարական գործընկեր հռչակելը և առհասարակ Թեհրանի նկատմամբ սաղորչ քայլերը կտրուկ սրեցին Իրան-Ադրբեջան հարաբերությունները:¹² Թեհրանը հատկապես մտահոգված էր Բաքվի քարոզչության հետևանքով Իրանական Ադրբեջանում ապակայունացման հնարավորությունից: Իսկ դրա նախանշաններ

րը ակնառու կերպով դրսևորվեցին նույնիսկ մայրաքաղաքում՝ Թեհրանում: 1993թ. ապրիլի 13-ին, Թեհրանի համալսարանի առավելապես սովորողների ուսանողությունը, որոնց մեջ քիչ չէին մաս ուսանելու նպատակով Բաքվից Իրան եկած աղբյուրացիներ, Թեհրանի պետական համալսարանի տարածքում կազմակերպեցին մի խոշոր հանրահավաք, որտեղ Քելբաջարում ԼՂՀ ուժերի կողմից վերահսկողություն հաստատելու կապակցությամբ հնչում էին հակահայկական ճառեր ու կոչեր: Հանրահավաքի մասնակիցները այնուհետև քայլարշավ կազմակերպեցին դեպի քաղաքի կենտրոն, ուր գտնվում է Իրանում Հայաստանի Հանրապետության դեսպանության շենքը: Ճանապարհին քայլարշավի մասնակիցներին միացան մաս մեծ թվով քեհրանաբնակ ազերիներ: Դեսպանատան շենքի առջև հանրահավաքը շարունակվեց, հնչեցին հակահայկական ճառեր ու կարգախոսներ, այդ թվում մաս Իրանի խորհրդարանի (մեջլիս) ազերի պատգամավորների բերանից, ընդորոմ թուրքերեն լեզվով: Շիկացած մթնոլորտում ամբոխը այրեց Հայաստանի Հանրապետության պետական դրոշը, սկսեց քարկոծել դեսպանության շենքը, միաժամանակ փորձելով ջարդել դռները և մերխուժել ներս: Իրանական կառավարությունը անվտանգության ուժերի և զորքի օգնությամբ ցրեց հանրահավաքի մասնակիցներին: Հաջորդ օրը, ապրիլի 14-ին, Իրանի արտգործնախարար Ալի Աքբար Վեյսաթին ուղերձով դիմեց Հայաստանի կառավարությանը, մտահոգություն հայտնելով «իրադարձությունների զարգացման այդօրինակ ընթացքի առնչությամբ»: Ուղերձում կոչ էր արվում հայկական ուժերը դուրս բերել «Աղբյուրացիների գրավյալ տարածքներից» և Ղարաբաղի խնդիրը լուծել քաղաքական ճանապարհով: Միաժամանակ Իրանի նախագահ Աքբար Հաշեմի Ռաֆսանջանին մի նամակ հղեց Հայաստանի կառավարությանը, որտեղ ոչ միայն խստորեն քննադատվում էր նրա դարաբաղյան քաղաքականությունը, այլև սիրաշահելու խոսքեր էին պարունակվում Բաքվի հասցեին: «Նախագահ Ռաֆսանջանին, իրավացիորեն մշում է Է.Բեգիջանյանը, այդ քայլով թերևս նպատակ ունեն իսլամական աշխարհին ցույց տալ, որ, չնայած Ելչիբեյի համաթուրքական և հակաիրանական քաղաքականությանը, Թեհրանը Աղբյուրացիներին է իբրև մահմեդական երկիր և պաշտպանում է նրա շահերը»:¹³

Անկախ նրանից, թե իրականում ում էր հասցեագրված Իրանի նախագահի նամակը, փաստը մնում էր փաստ, որ նախ իրանական կառավարությունը թույլ էր տվել Հայաստանի դեսպանության ստջև կազմակերպված այդ սաղորիչ հանրահավաքը և ապա ոչ միայն չէր դատապարտում նրա կազմակերպիչներին, այլև այդ բոլորի պատասխանատվությունը փաստորեն բարդում էր Հայաստանի վրա: Որպես բողոք այդ բոլորի դեմ, ԻԻՀ-ում Հայաստանի Հանրապետության արտակարգ և

լիազոր դեսպանը (սաղերիս հեղինակը) հեռացավ Թեհրանից և մեկնեց հայրենիք: Երկու շաբաթ անց, երբ Իրանի ԱԳ նախարարությունը հավաստիացումներ տվեց Հայաստանի կառավարությանը, որ մնա՞ն միջադեպերը այլևս չեն կրկնվի, դեսպանը վերստին վերադարձավ Թեհրան և դեսպանությանը դրոշը կրկին բարձրացվեց:

Ուշագրավ է նշել, որ «երբ Բաքվում էքստրեմիստական հոսանքները գործում էին Իրանի դեմ»¹⁴, վերջին հաշվով Էլչիբեյի շեշտված հակիրճանական դիրքորոշումը նպաստեց Թեհրանի և Երևանի միջև հարաբերությունների էլ ավելի սերտացմանը:

1993թ. ամռանը Ղարաբաղում աղբրեջանական բանակի լուրջ անհաջողությունները, Աղբրեջանում հարաճում կերպով խորացող սոցիալական, տնտեսական ու քաղաքական ճգնաժամը և միջազգային քաղաքական բնույթի մի շարք իրողություններ այդ երկրում հանգեցրին նոր իշխանափոխության: 1993թ. հունիսին Սուրեթ Հուսեյնովի ջոկատների կողմից Էլչիբեյին իշխանագուրկ անելուց հետո, Աղբրեջանի կառավարման ղեկն անցավ նախկին կոմունիստական ֆունկցիոներ, 70-ամյա Հեյդար Ալիևի ձեռքը: Հետաքրքիր է նշել, որ դեռևս Էլչիբեյի օրոք, երբ Հեյդար Ալիևը համդիսանում էր Նախիջևանի Գերագույն խորհրդի նախագահը, նրա և Թեհրանի միջև ստեղծվել էին հաստատուն կապեր: Այդ օրերին Ղարաբաղում ընթացող պատերազմի հետևանքով Նախիջևանը հայտնվել էր բարդ իրադրության մեջ: Նախիջևան-Բաքու օդային գիծը, որի թռիչքներն իրագործվում էին Իրանի օդային տարածքով, ըստ էության միակ ճանապարհն էր, որը Նախիջևանը կապում էր բուն Աղբրեջանի հետ: Սակայն Իրանի օգնությունը Նախիջևանին չէր սահմանափակվում դրանով: Այդ երկրամասի բնական կենսագործունեությունը ապահովելը անհնարին կլիներ առանց Իրանի աջակցության, որը Նախիջևանին մատակարարում էր ամեն ինչ, սկսած վառելիքից ու սննդամթերքից, վերջացրած առաջին անհրաժեշտության ապրանքներով: Այդ օրերին Թեհրան կատարած այցերի ընթացքում Հեյդար Ալիևը լավ ընդունելության էր արժանանում Իրանի քաղաքական ղեկավարության կողմից, որը հավանական է, հանձնին նրա տեսնում էր Աղբրեջանի ապագա նախագահին:

Հեյդար Ալիևի օրոք Աղբրեջանի արտաքին քաղաքական կողմնորոշիչների մեջ տեղի ունեցան էական փափոխություններ: Նախ Բաքուն անթաքույց քայլեր կատարեց Ռուսաստանի հետ տարածություն պահելու ուղղությամբ, միաժամանակ աշխատելով սահմանափակել իր մասնակցությունը ԱՊՀ գծով ինտեգրացիոն գործընթացներին: Այդ քաղաքականությունն ուղեկցվում էր ԱՄՆ-ի, արևմտաեվրոպական առաջատար պետությունների և Թուրքիայի հետ մերձենալու վճռական քայլերով: Բաքուն չէր խորշում բազմիցս հայտարարելու, որ Վաշինգտոնը և

Անկարան, Թբիլիսիի հետ համատեղ, հանդիսանում են իր ռազմավարական դաշնակիցները:¹⁵ Միաժամանակ Հ.Ալիևը որոշ չափով մեղմեց Ա.Էլչիբեյի ուլտրա-շովինիստական և պանթուրքիստական քաղաքական շեշտադրումները, առավել ևս, որ թուրքական հանրապետության ուլտիչ ուժ հանդիսացող զինվորականությունը ևս սկզբունքորեն դեմ է պանթուրքիզմը տարվադելու գործելակերպին: Ինչ վերաբերում է Իհ-Հ հետ հարաբերություններին, ապա Հ.Ալիևի թիմը գտնում էր, որ այդ երկիրը չի կարող ապահովել Ադրբեջանի երկարաժամկետ շահերը: Բացվում անշուշտ գիտակցում էին նաև, որ հնարավոր չէ կողմնորոշվելով դեպի Թուրքիան և սերտ հարաբերություններ պահպանելով Իսրայելի հետ, միաժամանակ լավ հարաբերությունների մեջ լինել Իրանի հետ: Ուստի Հ.Ալիևը աշխատում էր իր երկրի «հեռացումը» Իհ-Հ-ից իրականացնել մի այնպիսի ձևով, որպեսզի չհարուցի Թեհրանի շեշտված դժգոհությունը: Այդ քաղաքականության մպատակն էր առավելագույն օգուտներ քաղել Իրանի հետ բավականին ծավալուն առևտրատնտեսական հարաբերություններից:

Հ.Ալիևի որդեգրած արտաքին քաղաքական այդ մոդ կուրսը միտված էր ոչ միայն լուծել երկրի առջև կանգնած կոնկրետ խնդիրներ, այլև ուղղված էր ապագային, հետապնդելով հեռահար մպատակներ: Այն միտված էր նաև Ադրբեջանը վերածելու Կովկասում և Անդրկասպյան տարածաշրջանում Արևմուտքի ազդեցությունը տարածողի դերին¹⁶, որը կարող էր ապագայում Ադրբեջանին բերել ոչ միայն առատ տնտեսական օգուտներ, այլև շոշափելի քաղաքական դիվիդենդներ:

Առաջին պահ Հ.Ալիևի արտաքին քաղաքական կողմնորոշիչները հստակորեն պարզ չէին շատերի համար, մասնավաճառ որ նրա իրազործողը դրանք կյանքի էր կոչում մեծագույն զգուշությամբ: Ուստի այդ առթիվ Արևմուտքում հայտնվում էին ծայրահեղ հակասական կարծիքներ: Շատերը գտնում էին, որ Հ.Ալիևը, որն իր անցյալ կոմունիստական շրջանի գործունեությամբ վաստակել էր Իրանի մասնատման ակտիվ ջատագովի համբավ¹⁷, դժվար թե իր քաղաքականությունը կառուցի դեպի այդ երկրի հետ սերտ համագործակցությունը: Իսկ մի շարք վերլուծաբանների թվաց, թե քայլեր-կատարելով ռուսական կողմնորոշումից հեռանալու ուղղությամբ, Ադրբեջանի մախսագահը անխուսափելիորեն տնտեսական, քաղաքական և ռազմական աջակցություն է փնտրելու իր սահմանակից Իհ-Հ-ում: Այդ հաշվարկը կառուցված էր այն մտայնության վրա, որ տարածաշրջանի կարևորագույն ուժային կենտրոններից մեկի՝ Իրանի հետ տնտեսական գործընկերության և մշակութային համագործակցության միջոցով Ադրբեջանը հնարավորություն է ստանում հավասարակշռել իր ակտիվ դիվանագիտական շվտմները Արևմուտքի հետ: Ընդ որում հաստատ համոզմունք էր հայտնվում, որ իր հերթին Իրանը ևս չի

հապաղի օգնության ձեռք մեկնել «աշխարհում երկրորդ շիթական պետությանը», մանավանդ որ դա բխում էր ԻԻՀ արտաքին քաղաքական դոկտրինի սկզբունքներից:

Այդ բոլորի տրամաբանական եզրակացությունը հանգում էր նրան, որ արտաքին քաղաքականության բնագավառում այսպես կոչված «հարավային ուղղության» ընտրությունը իրենով նշանավորում է Ադրբեյջանի վերադարձը իսլամական աշխարհ:¹⁸ Բաքվում մի շարք իսլամամետ գործիչներ նույնիսկ շտապեցին արտահայտվել այն ոգով, որ միջազգային հարաբերությունների համակարգում իր փնտրտուքների մեջ Ադրբեյջանը վերջապես գտնում է իր համապատասխան տեղը: «Իսլամ, քաղաքականություն, մավթ», - ահա սրանք են Ադրբեյջանի և նրա սահմաններից հարավ գտնվող տերությունների շահերի շփման գլխավոր կետերը, եզրակացնում էին այդ կերպ մտածող գործիչները:¹⁹

Վերոհիշյալ տեսակետի ամրակայման լուրջ կովան հանդիսացան 1993թ. ԻԻՀ նախագահ Աբբաս Հաշեմի Ռաֆաանջանիի պաշտոնական այցը Բաքու և 1994թ. նախագահ Հ.Ալիևի պատասխան այցը Թեհրան, որոնց հետևանքով ստորագրվեցին ավելի քան 90 փաստաթղթեր, այդ թվում նաև «Բարեկամության մասին համատեղ հայտարարություն»:²⁰

Սակայն գլխապետույտ արագությամբ տեղի ունեցած մի շարք իրողություններ եկան սառը ցնցուղի դեր խաղալու այդ կերպ մտածող գործիչների համար, որոնք ցանկալին ընդունում էին իրականության տեղ: Նախ Հ.Ալիևի կողմից նախագահական պաշտոնին ստանձնելուց անմիջապես հետո արագորժնախարար Հասան Հասանովը մամուլում հանդես եկավ հռչակածով, որտեղ անդրադառնալով Ադրբեյջանի արտաքին քաղաքական կողմորոշիչներին, Իրանի կապակցությամբ արտահայտվեց վերին աստիճանի զգուշորեն, նշելով, որ վերջին տարիներին այդ երկրի հետ հարաբերությունները եղել են ծայր աստիճանի անհարթ: Ճիշտ է, տպավորությունը մեղմելու համար նախարարը ավելացնում էր, որ ինքը հավատում է, որ կգա ժամանակ, երբ Ադրբեյջանի տնտեսական շահերը նրան կտանեն Պարսից ծոց և այնժամ երկու հարևան պետությունները միմյանց կապող տրանսպորտային երակները ձեռք կբերեն վճռական նշանակություն,²¹ սակայն այդ վերապահումը չէր վախում հարցի բուն էությունը:

Աստիճանաբար հստակորեն ուրվագծվեցին Հ.Ալիևի արտաքին քաղաքականության առաջնությունները, որոնց մեջ կենտրոնական տեղը պատկանում էր հստակ կողմնորոշմանը դեպի թուրքական պետականության աշխարհիկ լայնցիստական մուշաձևը և մերձեցման ձգտումը ԱՄՆ-ի և Արևմտյան Եվրոպայի հետ: Հիրավի, Հ. Ալիևը գրեթե անփոփախ պահպանեց Էլշիրեյի կանխագծած Բաքու-Անկարա փոխհարաբե-

րությունները, մասնակի խմբագրման եթարկելով իր նախորդի ճշացող համաթուրքականությունը: Միաժամանակ գիտակցելով Ռուսաստանի հետ քայլ պահելու կարևորությունը Ադրբեջանի ազգային շահերի տեսակետից, փորձառու Հ.Ալիևը ապահովեց Ադրբեջանի անդամակցությունը ԱՊՀ-ին, դրանով իսկ միանգամից թուլացնելով Բաքու-Մոսկվա հարաբերություններում վերընթաց գծով ընթացող լարվածությունը:

Անշուշտ Բաքվի վերտիկալ քաղաքականությունը անսրող դժգոհությամբ պետք է ընդունվեր Թեհրանի կողմից: Այնտեղ հասկացան, որ Ադրբեջանի աշխարհիկ-մոդեռնիստական ղեկավարությունը (նախկին կոմունիստները) աշխատում է նվազագույն չափով տուրք տալ կրոնական գործունին, այսինքն իրանական կողմնորոշմանը, նախապատվությունը տալով թուրքական աշխարհիկ մոդելին: Բացի այդ, Թեհրանում ձևավորվեց այն տեսակետը, որ Ադրբեջանը ԱՄՆ-ի, ՆԱՏՕ-ի, Իսրայելի և Թուրքիայի համար ճանապարհ է բաց անում դեպի Կովկաս և առհասարակ դեպի տարածաշրջան, որոնք հիմնավորվելով այնտեղ, անխուսափելիորեն աշխատելու են թուլացնել Իրանի ներկայությունը: Իսրայելի վարչապետ Բենիամին Նաթանյահուի 1997թ. Բաքու կատարած այցից հետո իրանական մամուլը գրեց. «Այժմ տարածաշրջանում ստեղծվել է Ադրբեջան-Թուրքիա-Իսրայել եռանկյունին: Սակայն մեզ չի թվում, որ այդ համագործակցությունը ի վիճակի լինի նպաստել Ղարաբաղի հիմնահարցի լուծմանը»:

Իրանա-ադրբեջանական միջպետական հարաբերությունների վրա ազդող ծանրակշիռ գործոն հաղիսացավ հատկապես Լեռնային Ղարաբաղի հիմնահարցը: Միանգամայն բնական է, որ Ղարաբաղում ընթացող պատերազմը անմիջականորեն շոշափում էր նաև Իրանի շահերը: Նախ պատերազմն ընթանում էր նրա սահմանների մոտ, Արաքսի մյուս ափին, և Թեհրանում մտավախություն կար, որ լուրջ կոնֆլիկտը կարող է ծավալվել, իր մեջ ընդգրկելով տարբեր շահագրգիռ պետությունների, այդ թվում նաև Թուրքիային, և վերածվել տարածաշրջանային հակամարտության, զուցե և հրդեհի:

Թեհրանի համար հատկապես մղձավանջ էր Իրանական Ադրբեջանում ազերիական ազգայնականության պոթենցիալն փտանգը, ինչպես նաև հայկական զորքերի գործողությունների անհաջողության դեպքում Անկարայի և Բաքվի միջև ուղղակի կապի ստեղծման հավանականությունը, որն ուղիղ ճանապարհով կտաներ դեպի համաթուրքականների երազանքների իրագործում, այսինքն Իրանական Ադրբեջանի անջատում Իրանի կազմից: Անշուշտ ատաջին հերթին հենց դրանով է բացատրվում այն համագամանքը, որ պատերազմի տարիներին Թեհրանը անտարբեր չէր Հայաստանի ճակատագրի նկատմամբ, թեև թե՛ երկրի ներսում և թե՛ դրսում (Սառուղյան Արաբիա, Պակիստան, Աֆղանստան և այլն) առկա

էին ուժեր, որոնք ճնշում էին գործադրում Թեհրանի վրա, պահանջելով միակողմանի կերպով աջակցել Ադրբեջանին, փորձելով դա հիմնավորել նրանով, որ դարաբաղյան հակամարտությունը դա պատերազմ է իսլամի և քրիստոնեության միջև:


Իսկապես, արևմտյան մի շարք փորձագետներ չէին բացառում, որ Իրանը իր համերաշխությունը կհայտնի «չլիքական երկրորդ պետություններ» և Ադրբեջանի կողմից կմիջամտի կռնֆլիկտին:²² Այդ տեսակետի հավանականության լուրջ կռվան հանդիսացավ Թեհրանի հետևյալ քայլը. նա գորքեր ուղարկեց Ադրբեջանի սահմանների մոտ, դրանց անվտանգությունն ապահովելու համար:²³ Անդրադառնալով այդ նույն հարցին, իրանական դիվանագետ ղոկտոր Աբբաս Մալեքին գրում է, որ «Հայկական գորքերի հետագա առաջխաղացումն արգելակող գործոններից մեկը (Լեռնային Ղարաբաղի և Ադրբեջանի մյուս շրջանների՝ Ջանգելանի, Ֆիզուլիի, Ջեբրայիլի գրավումից հետո) հանդիսացավ Իրանի Իսլամական Հանրապետության կողմից արված նախազգուշացումը»:²⁴

1993թ. հուլիսին դարաբաղյան բանակի կողմից Ադդամի գրավումը խիստ բացասական արձագանք ունեցավ Թեհրանում: Իրանական մամուլը, հատկապես «Ջոմհուրիե Էսլամի» թերթը, Ղարաբաղում տեղի ունեցող իրադարձությունները մեկնաբանեց որպես «հայկական ագրեսիա»: «Թյուրքական համերաշխության» պտոթկման դեմ որպես շանթարգել Թեհրանն աշխատում էր տարբեր ձևերով ի ցույց դնել իր աջակցությունը Ադրբեջանին և Հ.Ալիևի կառավարությանը: Հենց այդ նույն նպատակով Իրանի կրոնապետ-առաջնորդ («քահաբաղ») ալաթուլա սեյյեդ Ալի Խամենեին ցուցադրական այց կատարեց Արևելյան Ադրբեջան նահանգ, որի կենտրոն Թավրիզում հայտարարեց, որ ԻԻՀ-ը այսուհետև զգայուն կլինի ադրբեջանական տարածքների նկատմամբ ոտնձգության հարցում:²⁵ «Հայաստանի կառավարությունն ու Ղարաբաղի հայերը ճնշում են տարածաշրջանի մահմեդականներին: Դատապարտելով Հայաստանի աջակցությամբ արցախահայերի վերջին գործողությունները, իբրանահայությանից ակնկալում ենք նմանօրինակ վերաբերմունք», - հայտարարեց քահաբաղը:²⁶ Որպես այդ ակնկալիքի անմիջական արձագանք, Թեհրանի հայոց թեմի առաջնորդ գերաշնորհ Արտակ արքեպիսկոպոս Մանուկյանը մամուլում հանդես եկավ «դատապարտող» հայտարարություններով: Դրա շնորհիվ Իրանի հասարակական կարծիքն իրեն բավարարված համարեց և միջադեպը կարելի էր համարել փակված: Իրան-Հայաստան վախճարաբերությունները դիմացան այդ փորձությանը ևս և դարաբաղյան հարցը իր բացասական անդրադարձը չունեցավ երկու երկրների վերընթաց զարգացող միջպետական հարաբերությունների վրա:

Մինչդեռ Բաքուն այդ հարցում Թեհրանից պահանջում էր ավելին, ընդորոշում ոչ թե հայտարարություններ, այլ գործնական քայլեր: Ղաթաբադյան կոնֆլիկտի հենց սկզբից Բաքուն այն տեսակետին էր, որ Իրանը «գաղտնի ու ծածուկ ձևով հովանավորում է հայերին»²⁷: Բաքվում կատարում էին հետևյալ հարցադրումը. ինչու, ի՞նչ պատճառներով ԻԻՀ-ն ստեղծում է հնարավորություններ Հայաստանին փակուղուց և տնտեսական շրջափակումից դուրս բերելու համար, երբ հասարակ տրամաբանությունը հուշում է, որ «խալանական աշխարհի առաջին ուժ հանդիսացող» Իրանը պարտավոր է օգնության ձեռք մեկնել «Հայաստանի ագրեսիայի գոհ» հանդիսացող «աշխարհի երկրորդ շիկթական պետությանը»: Սակայն չնայած աղբյուրական հսկողիչմենքի Իրանից օգնություն ստանալու կամ Հայաստանը շրջափակելու համառ պահանջներին, Իրանը չի գնում այդ քայլին:

Աղբյուրների ՁԼՄ-ները, մասնավորապես այնպիսի թերթեր, ինչպես «Աղբյուրներ», «Խալդ գազեթի»-ն, «Մուխալիֆաթ»-ը, «Էքսպրես»-ն, «Ազադլիկ»-ը, «525 gaze»-ը, «Ենի Մուսավաթ»-ն «Ենի Ագերբայջան»-ը, «Իքի սահիլ»-ը և այլն, իրենց հրապարակումներում մույնիսկ մեղադրում էին Իրանին, որ նա փորձում է խախտել կայունությունը Աղբյուրներում և որ իբր Թեհրանն է աջակցել հայերին Շուշին և Լաչինը գրավելու գործում:²⁸ Արաքսի վրա Հայաստանի և Իրանի կողմից համատեղ կառուցված կամուրջի շահագործման հանձնումը, որը կատարվեց 1995թ. վերջին, ուղղակի հունից հանեց Բաքվին, որը դա գնահատեց որպես Աղբյուրների մեջքին Իրանի կողմից հասցված «ղաշույնի հարված»: Աղբյուրների արտաքին քաղաքական հարցերի գծով պետխորհրդական Վաֆա Գուլուգադեն մեղադրում էր Թեհրանին մահ մրանում, որ նա դաշնակցային հարաբերությունների մեջ է մտնում Ռուսաստանի և Հայաստանի հետ ընդդեմ Աղբյուրների: Նրա կարծիքով աստիճանաբար ձևավորվում է Մոսկվա-Երևան-Թեհրան առանցքը, որը կոչված է ռուս-հայ-իրանական սեպ խրել թուրքական մակրոսուրյեկտի մեջ:

1996թ. մարտին ԻԻՀ արտգործնախարար Վելայաթիի Բաքու կատարած պաշտոնական այցի ժամանակ Աղբյուրների արտգործնախարար Հասան Հասանովը խիստ քննադատության ենթարկեց Թեհրանին, նրան մեղադրելով Հայաստանը շրջափակումից փրկելու մեջ: Որպես պատասխան մեղադրանք Իրանի ԱԳ նախարարը լուրջ մտահոգություն հայտնեց Բաքու-Թել-Ավիլ սերտ հարաբերությունների առնչությամբ, նշելով, որ Իսրայելի հետ Աղբյուրների սերտ կապերը անհանգստացնում են իրանական հասարակայնությանը: Հասան Հասանովը պատասխանել էր, որ այդ հասարակայնությանն ավելի շատ պետք է անհանգստացներ այն, որ Իրանը, անտեսելով Աղբյուրների իր մուսուլման եղբայրների շահերը, շարունակում է ընդլայնել կապերը



Հայաստանի հետև և որ նա փաստորեն Հայաստանին հնարավորություն ընձեռեց չեզոքացնելու նրա շրջափակումը Ադրբեջանի կողմից: Քաղաքական շանտաժի նկատառումներով Հ.Հասանովը նաև ավելացնում է, որ Հայաստանի նվաճողական ախորժակը չի սահմանափակվելու Ղարաբաղով: Հերթը անպայման գալու է նաև Նախիջևանին, ինչպես նաև հայերի կողմից «Պարսկահայք» հորջորջվող Իրանական Ատրպատականի տարածքներին, որոնք իբր հայերն արդեն մտցրել են «Մեծ Հայաստանի» քարտեզի մեջ: Դիվանագիտական այդ առճակատման հետևանքը հանդիսացավ այն, որ երբ նույն 1996թ. օգոստոսին Հ.Հասանովը եռօրյա այցով այցելեց Թեհրան, այնտեղ տեղի ունեցած բանակցությունների ժամանակ իրանական ղեկավարության կողմից ոչ մի դրվատական խոսք չասվեց նախագահ Հ.Ալիևի և նրա վարչակազմի վարած քաղաքականության մասին: Ավելին, ոչ մի իրանական գործիչ բերանից չարտաքերեց, որ Ադրբեջանի հետ հարաբերություններն Իրանի համար ունեն ռազմավարական նշանակություն, մինչդեռ նախորդ տարիներին բանակցությունների ժամանակ դա հնչում էր որպես պրոսակոլալյին արտահայտություն: Իրանական կառավարությունը խուսափեց նաև Հ. Հասանովի հետ տարածաշրջանային, միջազգային և երկկողմանի քաղաքական հարցերի խորացված քննարկումից: Այցի հետևանքով կողմերի միջև չստորագրվեցին նաև նոր պայմանագրեր և նույնիսկ արտգործնախարարների համատեղ հայտարարություն: Ավելին, այցի ընթացքում իրանական մամուլը գրեց, որ Ադրբեջանը միջազգային հարաբերություններում հիմնավորված, մշտական և վստահելի սկզբունքներ չունի, որ նրա դիվանագիտությունը «ոռոգող» է, կառուցված խախտու հիմքերի վրա:

Հարկ է նշել, որ դարաբաղյան կոնֆլիկտի հենց սկզբից Իրանը իր գործում մասնակցությունը բերեց այդ կոնֆլիկտի կարգավորման հարցում: Նույնիսկ արևմտյան տերություններն ընդունում էին, որ Իրանը որպես տարածաշրջանային կարևոր պետություն և ուժային կենտրոն ղեկավարություն ունի տարածաշրջանային խնդիրների, առավել ևս - կոնֆլիկտների լուծման գործում: Ֆրանսիայի կողմից Սինսկի խմբի նախագահը, գիտակցելով այդ հանգամանքը, ժամանեց Իրան այդ երկրի ղեկավարության հետ Ղարաբաղի հարցում մտքեր փոխանակելու համար: Բանակցությունների ժամանակ նա հայտարարեց, որ «Իրանի դերը կովկասյան տարածաշրջանում կայունության ու անվտանգության պահպանման գործում միանգամայն ակնհայտ է»:²⁹ Պետք է խոստովանել նաև, որ իրանական դիվանագետների իրականացրած միջնորդական առաքելության շնորհիվ մի քանի անգամ հաջողվեց գեթ ինչ որ ժամանակամիջոցի ընթացքում դադարեցնել ռազմական գործողությունները հայկական և ադրբեջանական ուժերի միջև:

Սակայն չնայած Իրանի կողմից ռարի կամքի դրսևորման այդ քայլերին, Բաքուն, որպես կանոն, մերժել է Ղարաբաղի կոնֆլիկտի լուծման գործով Իրանի միջնորդական առաջարկները: 1998թ. օգոստոսի կեսերին ԻԻՀ արտգործնախարար Ջամալ Խարրազիի Բաքու կատարած պաշտոնական այցի ժամանակ իրանական դիվանագետը հայտարարեց, որ Թեհրանը պատրաստ է առավել ակտիվորեն նպաստել հայ-ադրբեջանական կոնֆլիկտի կարգավորմանը:³⁰ Սակայն առաջարկը մնաց անպատասխան: Ուշագրավ է նշել նաև հետևյալ միջադեպը՝ 1999թ. մարտի 14-ին Ադրբեջանի ԱԳ նախարար Թոֆիկ Ջուվադարովի եռօրյա պաշտոնական այցի ժամանակ Թեհրան, երբ նախարարը հանդիպում ունեցավ ԻԻՀ նախագահ Մոհամմադ Խաթամիի հետ, վերջինս պատրաստակամություն հայտնեց միջնորդել դարաբաղյան հիմնահարցի լուծման առնչությամբ: Ադրբեջանի նախարարը հնարավոր է ընդունելի համարեց այդ առաջարկը և մույն օրը Իրանի արտգործնախարարի հետ համատեղ մամուլի ասուլիսի ժամանակ հաստատեց իր այդ տեսածը: Սակայն նախարարի Բաքու վերադառնալուց հետո ոչ միայն գործնական ընթացք չտրվեց նրա պաշտոնական հայտարարությամբ, այլև Ջուվադարովը հեռացվեց իր պաշտոնից:

Ղարաբաղի հարցի առնչությամբ Թեհրանի վարած քաղաքականության մեջ ակնառու կերպով նկատելի է տարբեր ժամանակներում մոտեցումների մեջ որոշակի փոփոխություն. այդ հարցի կապակցությամբ իրանական կողմի ընդհանուր ձևակերպումը հանգում էր նրան, որ Իրանը պատերազմող երկու կողմերի նկատմամբ վարում է «խստիվ հավասարակշռելու» քաղաքականություն, առավելություն չտալով նրանցից որևէ մեկին: Սակայն սկզբնական էտապում ըստ էության Իրանը միակողմանիորեն բռնում էր Ադրբեջանի կողմը, հայկական կողմից պահանջելով առանց որևէ նախապայմանի դուրս գալ գրավված տարածքներից: Սակայն մեր կարծիքով, 1993թ. ամռանը Թեհրանի քաղաքականության մեջ նկատվեց որոշակի շրջադարձ: Թեև իրանական դիվանագիտությունը շարունակում էր գործածության մեջ թողնել միջազգային սահմանների անխաթար պահպանման վերաբերյալ իր բանաձևը, սակայն այլևս Ղարաբաղի և Հայաստանի հասցեին չէին օգտագործվում կոշտ արտահայտություններ: Ավելին, շրջանառության մեջ դրվեցին հետևյալ ձևակերպումները. «Իրանը հանդես է գալիս խնդրի արագ, արդար և խաղաղություն երաշխավորող կարգավորման կողմնակից», կամ «այդ զգալուն խնդիրը պետք է լուծում ստանա տարածաշրջանի անվտանգության, երկու երկրների շահերի շրջանակում» խաղաղ ձևով»:

Անշուշտ մոտեցումների այս փոփոխության մեջ իր դերակատարությունն ունեն Իրան-Ադրբեջան հարաբերությունների հարաճումն բարդացումը, եթե չափենք սրումը: Ուշագրավ է նաև նշել, որ անհրաժեշտությամբ

յան դեպքում Թեհրանը չէր խորշում դարաբաղյան հարցը օգտագործել իր հակաադրբեջանական քարոզչության մեջ, իսկ առանձին դեպքերում նույնիսկ Ադրբեջանի վրա ճնշում գործադրելու համար: Ավելորդ չէ այդ առթիվ բերել հետևյալ փաստը. 1997թ. դեկտեմբերի 4-11ին Թեհրանում տեղի ունեցած Իսլամական Կոնֆերանս կազմակերպության /OIC/ 8-րդ գագաթաժողովի ժամանակ իսլամական մի շարք պետությունների ջանքերով դարաբաղյան հիմնահարցը ոչ միայն մտցվեց գագաթաժողովի օրակարգ, այլև այդ հարցի կապակցությամբ ընդունվեց հատուկ քաղաքական բանաձև, որը դատապարտում էր «Հայաստանի ագրեսիան» Ղարաբաղի դեմ և որոշում էր Ադրբեջանին ցուցաբերել տնտեսական համակողմանի օգնություն: Սակայն այդ ոչ հայանպաստ որոշումն արժանացավ Իրանի կտրուկ հակազդեցությանը: Գագաթաժողովում ԻԻՀ ներկայացուցիչը ունեցավ հատուկ ելույթ, որտեղ վերոհիշյալ բանաձևը ի չիք դարձնելու նպատակով շեշտը դրեց Բաքվի ու Իսրայելի միջև սերտ հարաբերությունների խնդրի վրա:³¹ Այդ ելույթը դրական արձագանք գտավ արաբական երկրների և մի շարք այլ իսլամական պետությունների ղեկավարների մոտ, որի հետևանքով վերոհիշյալ քաղաքական բանաձևը էապես խմբագրվեց, մեծ հիասթափություն առաջ բերելով ադրբեջանական պատվիրակության և նրա ղեկավար Հ. Ալիևի մոտ:

Իրանը սովորաբար դրվատանքով է արտահայտվում Ղարաբաղի հարցի շուրջը ձեռք բերված զինադադարի պահպանման հարցում Հայաստանի որդեգրած դիրքորոշման նկատմամբ, դրա մեջ տեսնելով «հստակ քաղաքական կամք»: Թեհրանում գոյություն ունի կայսր համոզմունք այն մասին, որ Ղարաբաղում զինադադարի խախտումը և հայաադրբեջանական զինված առճակատման շարունակումը ոչ միայն թույլ կտա օտարերկրացիներին միջամտելու տարածաշրջանի գործերին, այլև կնպաստի այն բանին, որ Ադրբեջանը էլ ավելի սերտ կապերով կապվի ԱՄՆ-ի և Թուրքիայի հետ: Այդ իսկ տեսակետից Թեհրանը խիստ քննադատական վերաբերմունք է դրսևորում միջազգային-քաղաքական բնույթի իրադարձությունները Բաքվի կողմից շահարկելու և սադրիչ գործողություններ իրականացնելու վարքագծի դեմ: Իրանական «Ամու-Դարյա» ամսագրի խմբագիր Նասեր Սադաֆի Ամերին գտնում է, օրինակ, որ Սիացյալ մահանգների ձգտումը համաշխարհային կարգը իր օգտին փոխելու ուղղությամբ, որը վատ կերպով դրսևորվեց Կոսովոյի խնդրի ժամանակ, Ադրբեջանը վարժում էր օգտագործել որպես լծակ Հայաստանի հետ իր կոնֆլիկտների ընթացքում: Նրա կարծիքով դա վերին աստիճանի վտանգավոր խաղ է, որը կարող է ծառայել որպես սկիզբ Կովկասի, Մերձավոր ու Սիջիմ արևելքի տարածաշրջանում խոշոր կոնֆլիկտների համար:³²

Իրանի և Ադրբեջանի միջև առկա կոնֆլիկտային պոտենցիալը ունենում է պոթենցիալ ամենատարբեր հարցերի կապակցությամբ: Դրա պատճառը կայանում է նրանում, որ այդ երկու պետությունների հարաբերությունների ողջ պատմությունը ունեցել է ճգնաժամային բնույթ: Ամենատարբեր առիթներով նրանք մշտապես մեղադրում են մեկը մյուսին: Այսպես, ԹՈՒՐՄԵՆ տեղեկատվական գործակալության վերլուծական ծառայության ղեկավար Հ.Կուլիևը գտնում է, որ «Իրանը աշխարհաքաղաքական առումով շահագրգռված է նրանում, որ իրադրությունը Ադրբեջանում մշտապես վատանա»: ³³ Իսկ Թեհրանը մեծագույն անհանգստությամբ ընդունեց այն լուրերը, որ Բաքուն պատրաստվում է միանալու Թուրքիա-Իսրայել ռազմական համագործակցությանը: Իրանի արտաքին գործոց նախարարության կարծիքով Ադրբեջանը ԱՄՆ-ի, ՆԱՏՕ-ի, Իսրայելի և Թուրքիայի համար ճանապարհի է բաց անում դեպի տարածաշրջան, որը սպառնալիք է Իրանի ազգային անվտանգության համար:

Իրանի և Ադրբեջանի միջև միջպետական հակասության գլխավոր պատճառներից մեկը, որն ընդ որում ունի մշտական բնույթ, դա Իրանական Ադրբեջանի «բռնագավաթած տարածքների» խնդիրն է: Ժամանակակից Ադրբեջանում պաշտոնապես տիրապետող է այն տեսակետը, որ պատմականորեն գոյություն ունի միայն միացյալ Ադրբեջան, որը մասնատվել ու բաժանվել է մասերի: Ընդ որում, հենց ինքը, Հ.Ալիևը ևս տուրք տվեց ազերի ազգայնականների այդ մտայնությանը, այն տարբերությամբ, որ «Իրանական Ադրբեջան» տերմինը նա վտխարինեց «Հարավային Ադրբեջանով»: ³⁴

Դեռևս Նախիջևանի Ինքնավար հանրապետության Գերագույն մեջլիսի նախագահի պաշտոնը զբաղեցնելիս, նրա նախաձեռնությամբ 1991թ. դեկտեմբերի 16-ին որոշում ընդունվեց յուրաքանչյուր տարվա դեկտեմբերի 31-ի օրը հայտարարելու տոն՝ «Ամբողջ աշխարհի ազերիների համերաշխության օր»: Հետագայում Ադրբեջանի նախագահի պաշտոնը ստանձնելուց հետո նրա աշխատակազմի հասարակական-քաղաքական բաժնի կողմից կազմակերպված «Աշխարհի ազերիները. պատմա-քաղաքական գործընթացներ, արդի ժամանակաշրջան» անվան տակ գումարված խորհրդածրոյում էլույթ ունեցած հետադիմերը խոր ցավ էին հայտնում, որ ազերիները անկախ պետություն են կերտել միայն Ադրբեջանի «պատմական տարածքի» մի վաքը մասում: ³⁵

Ադրբեջանի հանրապետությունում զգալի թվով քաղաքական ուժեր համակրանքով են վերաբերվում «Հյուսիսային և Հարավային Ադրբեջանների միավորման» ուտոպիական գաղափարի նկատմամբ: Թեև պաշտոնական մակարդակով աշխատում են դա չշեշտադրել, սակայն առիթը բաց չեն թողնում հայտարարելու, որ այդ հարցը առկա է իրենց

քաղաքական ծրագրերում և բարենպաստ իրադրության պայմաններում նրան կհաղորդվի հրատապություն: Մի շարք կուսակցություններ, օրինակ, («Անա վաթան», «Մուսավաթ» և այլն) պարբերաբար փորձում են աշխարհի հասարակայնությանը հասցնել Իրանում աղբբեջանցիների «ազգային իրավունքների ոտնահարման» մասին տեղեկություններ: Այլ կերպ ասած, Բաքուն սքոդված ձևով խրախուսում է պանազերիական ազգայնականությունը: Հ.Ալիևի քաղաքական խորհրդական Վաֆա Գուլուզադեն Ջորջ Վաշինգտոնի անվան ինստիտուտում կայացած միջինարևելյան քաղաքականությանը նվիրված գիտաժողովում ընդգծել է. «25 միլիոն ազերի բնակիչ ունեցող Իրանը սարսափում է սահմանակից հզոր և անկախ Ադրբեջանից, քանի որ Իրանի ազերիների շրջանում օր օրի ուժգնանում են ազգայնական տրամադրությունները: Թեև Բաքուն չի կարող պաշտոնապես պահանջել երկու Ադրբեջանների միացումը, այնուամենայնիվ նրանք վաղ թե ուշ կմիանան»:³⁶

Վաֆա Գուլուզադեն Հ.Ալիևի վարչակարգի անդամներից միակը չէր, որ իրեն թույլ էր տալիս մնան ունեցիկական արտահայտություններ: Իշխանությունների թողություններ Բաքվում ակտիվորեն գործում էր այսպես կոչված «Հարավային Ադրբեջանի ազգային-ազատագրական շարժման» կենտրոնականը, իսկ իբր «վտարանդի» Ադրբեջանի էմիսարները հրահրիչ գործունեություն էին ծավալել Հյուսիսային Իրանում, ձգտելով ապակայունացնել թուրքալեզու հոծ բնակչություն ունեցող այդ երկրամասը: 1999թ. օգոստոսին Հ.Ալիևը ստորագրեց հրամանագիր իրանական ազերիների վերոհիշյալ անջատվողական կազմակերպության ղեկավարներից մեկին՝ Փիրուզ Դիյանչիին, որը ձերբակալման վտանգից խուսափելով փախել էր Իրանական Ադրբեջանից և Բաքվից խնդրել քաղաքական ապաստան, Ադրբեջանի քաղաքացիություն տրամադրելու վերաբերյալ: Իսկ նույն թվականի սեպտեմբերին Ադրբեջանի պետական հեռուստատեսությունը եթեր տրամադրեց Իրանական Ադրբեջանից փախած այլախոհ պրոֆեսոր Մ.Չեքրադանիին:³⁷ Մի շարք ավելի զգույշ ազերի քաղաքական դեմքեր (օրինակ, «Միացյալ Ադրբեջան» կազմակերպության ղեկավարներից Փանահ Հուսեյնովը և ուրիշներ) վարձում են «Միացյալ Ադրբեջանը» ներկայացնել ոչ որպես քաղաքական նպատակ կամ «ազգային իղձ», այլ պարզապես զուտ գաղափարական սկզբունք: Ընդ որում նրանք պնդում են, որ այն ուղղված չէ Իրանի դեմ, որ սաավել ևս չի կարելի այդ գաղափարն ընկալել որպես Իրանի ներքին գործերին միջամտություն, քանի որ այն ենթադրում է նախ և առաջ բոլոր ադրբեջանցիների ազգային, հոգևոր և բարոյական միասնության քաղաքականություն:³⁸ Սակայն «Միացյալ Ադրբեջանի» ծայրահեղական թևը իր մամուլի միջոցով Իրանական Ադրբեջանի բնակչությանը հրահրում է դուրս գալ ազգային-ազատագրական պայքարի: Այդ թևին

պատկանող ազգայնականները ժամանակ առ ժամանակ Բաքվում ԻԻՀ դեսպանության շենքի մոտ կազմակերպում են բողոքի ցույցեր, հանրահավաքներ և այլն:

Դեռևս 1990թ. ազերի պանթյուրքիստների կողմից Թավրիզում ստեղծված «Հարավային Ադրբեջանի ազգային-ազատագրական շարժում» կազմակերպությունը իր ներկայացուցչություններն է բացել նաև Եվրոպայում, Կանադայում և այլ վայրերում:³⁹ Վերջին տարիներս հիշյալ կազմակերպությունը ավելի ու ավելի բարձրաձայն հիշեցնում է իր գոյության մասին: Այսպես, Բաքվի ՁԼՄ-ների հաղորդման համաձայն, Թավրիզում տեղի էր ունեցել մի հանրահավաք, որի մասնակիցները բողոքում էին Ֆրանսիայի խորհրդարանի կողմից 1915թ. արևմտահայոց ցեղասպանությունը պաշտոնապես ճանաչելու որոշման դեմ: Հանրահավաքում կոչեր էին հնչում խզելու բոլոր տեսակի հարաբերությունները հայերի և «բոլոր նրանց հետ, ովքեր հովանավորում են նրանց»: 1999թ. փետրվարի 26-ին նույն կազմակերպության կողմից Թավրիզում գումարված հանրահավաքը ընթանում էր հետևյալ կարգախոսների ներքո. «Թավրիզը մերը կլինի», «Կուրչի ֆարսերի շովինիզմը»: Հատկանշական է, որ նման բոլոր հանրահավաքների ժամանակ պարտադիր կարգով հնչում են հակահայկական կոչեր:⁴⁰

Ուշագրավ է, որ Բաքվի քաղաքական շրջաններում նման իրադարձություններն արժանանում են հիացական զնահատականների: Ընդ որում դրանք մեկնաբանվում են այն խմաստով, որ իրանական ազերիները «փրենց աշխարհաքաղաքական դիրքորոշումները համապատասխանեցնում են ոչ թե Թեհրանի, այլ Բաքվի և Անկարայի շահերին»:⁴¹

Ադրբեջանի կողմից քաղաքական շահարկումների առարկա է հանդիսանում նաև Իրանում ազերիների թվի հարցը: Մի շարք ադրբեջանցի գիտնականներ պնդում են, որ աշխարհում ազերիների թիվը հասնում է 40 միլիոնի: Ադրբեջանի նախկին արտգործնախարար Նազար Նազարովը անգլիալեզու «Transitions» ամսագրի հետ ունեցած իր հարցազրույցում պնդում էր, որ այդ 40 միլիոն ազերիներից Իրանում բնակվում են 20-ից մինչև 30 միլիոն մարդ:⁴²

Բազմաթիվ փաստեր վկայում են այն մասին, որ Բաքվի իշխանությունները փորձում են միջազգայնացնել «Սիաջյալ Ադրբեջանի» հարցը: Հենց այդ նպատակով 1997թ. Լոս-Անջելեսում գումարվեց «Համայն աշխարհի ադրբեջանցիների առաջին համաշխարհային վեհաժողովը»: Այնուհետև այն դարձավ շարունակական: Երկրորդ վեհաժողովը գումարվեց 1998թ. մայիսի 30-31-ին Վաշինգտոնում, իսկ մեկ տարի անց՝ 1999թ. Քյոլնում տեղի ունեցավ թվով երրորդ վեհաժողովը: Այդ հավաքների ժամանակ, հատկապես Ադրբեջանի հանրապետության պատվիրակների կողմից կատարվում էին հարցադրումներ այն ոգով, որ Իրանը

պարտավոր է որպես առաջին քայլ «Հարավային Ադրբեջանին» տրամադրել ինքնավարություն, որի պարտադիր պայմաններից է լինելու ուսուցումը մայրենի լեզվով, քերթերի և գրքերի հրատարակությունը ազերի լեզվով, մշակութային կենտրոնների բացումը և այլն:⁴³ Բյուլնում բացահայտ հակաիրամական դիրքորոշմամբ հաղետ եկավ Իհ-Հ-ում Ադրբեջանի նախկին դեսպան Ալիյար Սաֆարին: Նա հայտարարեց, որ անհրաժեշտ է Ադրբեջանում ստեղծել աշխարհի բոլոր ադրբեջանցիների համախմբման հոգևոր կենտրոն, ինչպես նաև հատուկ ֆոնդ «միացյալ Ադրբեջանի» ստեղծման գաղափարը կյանքի կոչելու համար: Այդ նույն համաժողովում հանդես եկած «Ազերիների համաշխարհային կոնգրեսի» ղեկավարներից մեկը՝ Թեյմուր Էմինբեյլին բացահայտեց նաև գործողությունների այն մեխանիզմը, որը նրա կարծիքով ի վիճակի էր իրողությունը դարձնել «միացյալ Ադրբեջանի» ծրագիրը: Առաջին էտապում նա անհրաժեշտ էր համարում «ազգային կառավարության վերականգնումը Հարավային Ադրբեջանում», այսինքն պետականության ստեղծումը, իսկ երկրորդ էտապում պետք է գործողության մեջ մտնեին Հարավի և Հյուսիսի միավորումը:⁴⁴

1999թ. օգոստոսին «Ադրբեջանցիների համաշխարհային կոնգրեսի» կազմկոմիտեի նախագահ Բուլուդ Ղարափափախը և պրոֆեսոր Ալիբա Նազմիի «իսկզոր ներկայացուցիչ» Ջավադ Իսմայիլին ստեղծեցին մի նախաձեռնող խումբ Ադրբեջանի խորհրդարանում Հարավային Ադրբեջանի օրենսդրական մարմին՝ «Հարավային Ադրբեջանի խորհրդարան» ձևավորելու հետահար նպատակով:⁴⁵

Ավերորդ չէ նշել, որ «Միացյալ Ադրբեջանի» ջատագով ազերի ազգայնականները արևմուտքում «Մեծ Ադրբեջանի» սահմանները հասցնում են մինչև Սևանա («Գեյչա») լիճը, իսկ հյուսիսում՝ մինչև Դեբեճևու:

1998թ. հունվարի 30-31-ին «Ադրբեջանի ժողովրդական ճակատ» կուսակցության II (V) համագումարում Թուրքիայից հրավիրված ներկայացուցիչները հայտարարեցին, որ Աբուլֆազ Էլչիբեյը «թյուրքական աշխարհի առաջնորդն է և նոր առասպելական Ալիարսլան Թյուրքեյը»:⁴⁶ Այդ հաճոյախոսություններից ոգևորված Էլչիբեյը առաջարկեց նոր ստեղծվելիք պետության՝ «Միացյալ Ադրբեջանի» մայրաքաղաք հռչակել Թավրիզը: «Եթե մենք չկարողանանք լուծել Թավրիզի պրոբլեմը (իմա՝ «Միացյալ Ադրբեջանի» ստեղծումը Վ.Բ.), մեզ չի հաջողվի վերադարձնել Լեռնային Ղարաբաղը: Ես գտնում եմ, որ այդ երկու խնդիրները սերտորեն փոխկապակցված են», - հայտարարեց Ա.Էլչիբեյը:⁴⁷

Առհասարակ թե՛ իր նախագահության շրջանում և թե՛ հետագայում, երբ Էլչիբեյը ծվարեց Նախիջևանի գյուղերից մեկում, նա իր ռազմաշունչ-ռևանշիստական ելույթների ժամանակ բազմիցս սպառնում էր ջախջախել Իրանը:⁴⁸ Իր համոզուզն ազդեցիկությամբ նրանից հետ չէր

մնում նաև վերևում հիշատակված Ալիյար Սաֆարլին, որը Թեհրանում որպես դեսպան պաշտոնավարելիս իրեն թույլ էր տալիս վիրավորական արտահայտություններ Իրանի և նրա քաղաքական գործիչների հասցեին:⁴⁹ Իսպառ կորցնելով չափի գզացումը և չկարողանալով սանձահարել իր հիվանդագին երևակայությունը, Սաֆարլին պնդում էր, որ իր տեղեկությունների համաձայն, գոյություն ունի Իրանի տարածքից զինված ջոկատների ներխուժման պլան Ղարաբաղ: Որ իբր այդ ջոկատները բաղկացած են հատուկ ճամբարներում մարզված Բաքվի նկատմամբ աղորեջանական անհաշտ ընդդիմության ուժերից: Հայաստանը իբր պատրաստ է Ղարաբաղի գրավյալ շրջանների մի մասը հանձնել այդ ջոկատներին, որպեսզի սանձազերծի զինված կոնֆլիկտ վերջիններիս և Բաքվի իշխանությունների միջև, այսինքն հրահրի քաղաքացիական պատերազմ, որը Իրանին հնարավորություն կտա միջամտելու Աղրբեջանի ներքին գործերին:⁵⁰

Ալիյար Սաֆարլիի այդ սադրիչ գործունեությունը ցրեց Թեհրանի համբերության բաժակը և նա ստիպված եղավ Բաքվից պահանջել, որ հետ կանչի իր դեսպանին: Այդ անհաջողակ դիվանագետը վերադարձից հետո ստանձնելով Բաքվի պետական համալսարանի պրոֆեսորի պաշտոնը, լծվեց էլ ավելի բուռն հակաիրանական քարոզչության, պնդելով, որ Իրանը չի ցանկանում, որ Աղրբեջանը դառնա ուժեղ պետություն, որ իրանցիները Աղրբեջանում վարում են քայքայիչ աշխատանք, ձգտելով այնտեղ իրենց համար ստեղծել «հինգերորդ զորայուն» և այլն:

Ընդհանրացնելով վերևում շարադրվածը, հարկ ենք համարում շեշտել, որ այսպես կոչված «Հյուսիսային և Հարավային Աղրբեջանների միավորման» հարցադրումը ոչ մի ռեալ հիմք չունի: Ատրպատականի ազերի բնակչությունը իր հոգեկան կերտվածքով, հայրենիքի մասին իր մտնեցումներով և այլն էապես տարբերվում է Աղրբեջանի Հանրապետության ազերի բնակչությունից: Նա իրեն համարում է համաիրանական քաղաքական ընդհանրության անբաժանելի մասը և իր մեծ մասով հակված է այն տեսակետին, որ հենց «մայր հայրենիքից» Իրանից, կտրված Աղրբեջանի ազերի «եղբայրերն ու քույրերը» իրենք պետք է միանան Իրանին և դառնան իրանական պետականության անբաժանելի մասը: 1997թ. հունիսի 28-30-ը Լոս-Անջելեսում տեղի ունեցած «Համայն աշխարհի ազերիների համագումարը», հակառակ պանթյուրքիստների ու Բաքվի վարչախմբի սպասելիքների արձանագրեց, որ Արաքսից այն կողմ գտնվող Աղրբեջանը (իմա՝ Աղրբեջանի Հանրապետությունը-Վ.Բ.) ինքը պետք է միավորվի Իրանի հետ: Ի դեպ, Աղրբեջանի Հանրապետությունում առկա են նաև քաղաքական գործիչներ, որոնք գտնում են, որ քաղաքական առումով երկու Աղրբեջանների միավորումը մեկ ընդհանուր պետության մեջ նպատակահարմար չէ: Ուստի նրանք առաջ են

քաշում այդ հարցի լուծման հետևյալ բանաձևը. «մեկ ժողովուրդ՝ երկու պետություն»:

Ինչպես տեսնում ենք, թեև նվաղում ձևով, սակայն աղբբեջանական իրականության մեջ հնչում են նաև այլ ձայներ: Այդ ստումով ուշագրավ է նաև հետևյալ փաստը. «Մոնիթոր» ամսագրի 1998թ. 1/12 համարում տպագրվել էր էլմար Հուսեյինովի (որը միաժամանակ ամսագրի գլխավոր խմբագիրն էր) «Աղբբեջանցիներ» 21-րդ դարի ազգ» խոստովերտությանը հողվածը: Նրանում հեղինակը առաջ էր քաշում այն տեսակետը, որ աղբբեջանցիները որպես ազգ ամբողջությամբ վերցրած դեռևս չեն ձևավորվել, ինչպես նաև տակավին գուրկ են ազգային գաղափարից: Հողվածագիրը այնուհետև նշում էր, որ աղբբեջանցիները ունակ չեն ինքնաքննադատության, ուստի և ընդունակ չեն կյանքի կոչելու ռազմավարական և մարտավարական խնդիրներ, որ նոր դարաշրջանի շեմին ազգի մոտ բացակայում է սեփական մտավորական էլիտան, միաժամանակ Աղբբեջանում տեղի է ունեցել ռուսալեզու մտավորականության դուրս մղում մի կողմից՝ և Հայաստանից եկած աղբբեջանցիների լյուսյենիզացում՝ մյուս կողմից: Այդ բոլորի հանրագումարում է Հուսեյինովը կասկածի տակ էր դնում աղբբեջանցիների ընդունակությունը պահպանելու անկախ պետականությունը: Հողվածագիրը զարգացնում էր նաև այն միտքը, որ հենց Իրանում է, որ պահպանվել է աղբբեջանցիների էթնոգենեթոնը, այնտեղ է գտնվում իսկական աղբբեջանական էլիտան, որը հանդես է գալիս հոգուտ իրանական պետականության: Որ գոյություն ունի էական տարբերություններ հյուսիսային և հարավային աղբբեջանցիների միջև, ընդորում հյուսիսային աղբբեջանցիներին նա բնորոշում է որպես «քոչվորական-վաչկատուն» ժողովուրդ:

Հիշյալ հողվածը վայնասում առաջ բերեց Բաքվում: Է. Հուսեյինովը դատի տրվեց «աղբբեջանական ժողովրդի պատվին ու արժանապատվությանը վիրավորանք հասցնելու» մեղադրանքով: Դատարանը որոշեց պատժել հողվածագրին, նրանից զանձելով 16 միլիոն մանաթի չափով խոշոր տուգանք:⁵¹

Բնական է, որ Թեհրանի ռեակցիան Բաքվի կողմից ստաջ քաշվող «Միացյալ Աղբբեջանի» սադրանքի նկատմամբ խիստ բացասական ու ջղային է: «Թյուրքական հարցը» (Իրանում պաշտոնապես ազերիներին անվանում են թյուրքեր)⁵² իրանական կառավարության համար ազգային հարցի համատեքստում ամենասուր պրոբլեմներից մեկն է հանդիսանում: Առավել ևս, որ որոշ փորձագետներ այն տեսակետն են հայտնում, որ եթե երբևիցե ԱՄՆ-ը որոշեն մասնատել ու տրոհել Իրանը, դրան հասնելու լավագույն ձևերից մեկը կարող է հանդիսանալ Իրանական Աղբբեջանի անկախության հռչակումը և նրա անջատումը Թեհրանից:⁵³ Իրանը չի կարող նաև չանհանգստանալ, որ Աղբբեջանում գոյութ-

յում ունեցող աշխարհիկ վարչակարգը կարող է վարակիչ լինել սահմանի մյուս կողմի էթնիկական ազերիների համար: Այլ կերպ ասած, Թեհրանը չի կարող մտավախություն չունենալ, որ անկախ Ադրբեջանը կարող է հանդիսանալ իրանական ազերիներին իրեն ձգող մի մագնիս: Ուստի Իրանը մշտապես ստիպված է լուրջ քայլեր ձեռնարկել խաչընդոտելու համար հյուսիսից «թափանցումներն» Իրանական Ադրբեջան: Այդ մտավախությունը հավասարապես վերաբերվում է նաև Թուրքիայի քարոզչական գործունեությանը այդ երկրամասում: Առհասարակ Իրանի համար մղձավանջ է Բաքվի և Անկարայի կողմից քողարկված ձևով մղվող քարոզչությունը «Մեծ Ադրբեջան» ստեղծելու վերաբերյալ: Թեհրանում հավատացած են, որ Ադրբեջանի հակաիրանական քաղաքականությունը իրագործվում է Թուրքիայի դրոյմամբ: Ուստի Թեհրանը աչալուրջ կերպով հետևում է, որպեսզի դրսից երկրի անվտանգությանը և կայունությանը սպառնացող գաղափարներ չներթափանցեն Իրանական Ադրբեջան: Ի պատիվ իրանական կառավարությանը պետք է ասել, որ նա կարողանում է իրականացնել Ադրբեջանում կենտրոնախույս միտումների բանական զսպման քաղաքականություն:⁵⁴ Եվ դա կատարվում է ոչ թե բռնի ուժով, այլ շրջահայաց ու խոհեմ քաղաքականության միջոցով: Ազերիների ներկայացուցիչներն, օրինակ, մուտք ունեն իշխանության քարձրագույն էշելոնները: Բազմաթիվ հանգուցային պաշտոններ զբաղեցնում են նրանք:⁵⁵ Ավելորդ չէ նշել, որ Իրանի ներկայիս կրոնապետ-առաջնորդ ալաթոլլահ սեյյեդ Ալի Խամենեյին ևս, որի ձեռքերում կենտրոնացված է վիթխարի ռազմական, վարչական և քաղաքական իշխանություն, նույնպես ազերի է: Բաքվի կողմից առաջ քաշվող «երկու Ադրբեջանների» միավորման կոչի նկատմամբ որպես հակաքայլ, Իրանը ոչ պաշտոնական ձևով, մամուլի էջերում և այլն քարոզչություն է մղում «Թուրքմենչայի պատմական ամառդարությունը վերանայելու», Անդրկովկասի «իրանական հողերը», մասնավորապես Ադրբեջանի տարածքները «հզոր ու բարգավաճ իսլամական Իրանին» վերադարձնելու, Ադրբեջանը իր «պապենական հայրենիքի՝ Իրանի հետ միավորվելու» վերաբերյալ և այլն:

Երկու Ադրբեջանների միջև սերտ էթնոմշակութային ու քաղաքական կապերի խափանման շահերից ելնելով, հակառակ Բաքվի համառ պնդումներին, Թեհրանը այդպես էլ իր համաձայնությունը չտվեց, որպեսզի Թավրիզում բացվի Ադրբեջանի գլխավոր հյուպատոսություն: Ի դեպ, հավասարակշռությունը պահելու շահերից ելնելով մերժվեց նաև Հայաստանի Հանրապետության առաջարկը այդ նույն քաղաքում բաց անելու գլխավոր հյուպատոսություն:

Իրան-Ադրբեջան հարաբերությունների լարվածությունը միտումնավոր ու գիտակցված ձևով խրախուսվում է Բաքվի կողմից: Ադրբեջա-

նի Ազգային անվտանգության նախարարությունը ժամանակ առ ժամանակ տեղեկություններ է հրապարակում Ադրբեջանի դեմ իրանական քաղաքացիների կողմից լրտեսական գործունեություն ծավալելու մասին,⁵⁶ մամուլում հաճախ նյութեր են հրապարակվում, որ Ադրբեջանում իրանական հատուկ ծառայությունները ստեղծել են գործակալական լայն ցանց,⁵⁷ հատկապես հավաքագրելով ընդդիմադիր գործիչների: 1999թ. հոկտեմբերին, օրինակ, վկայակոչելով Գերմանական «Ռայն Պֆալց» թերթի հոկտեմբերի 21-ի հրապարակումը, «Բալկանսկի Ռաբոչի» պաշտոնաթերթում հրապարակվեց հաղորդում այն մասին, որ իբր նշված քվականի հունիսին Թեհրանում, Ազգային անվտանգության նախարարությունում («վեզարաթ-ե էթթելաաթ»), տեղի են ունեցել երեք զադունի հանդիպումներ, որոնց մասնակիցների քվում հիշատակվում են Մահիր Ջավադովը¹ և Ադրբեջանի նախկին նախագահ Այազ Մութալիբովը: Այդ հանդիպումների ժամանակ իբր քննարկվել են Ադրբեջանի կառավարության դեմ նախապատրաստվող զանազան ծրագրեր՝ կովկասյան տարածաշրջանում ԱՄՆ-ի և Թուրքիայի աճող ազդեցությանը հակադարձելու նպատակով:⁵⁸

Իրան-Ադրբեջան հարաբերությունները մթազնող մյուս պրոբլեմը դա իսլամական կրոնի հետ կապված խնդիրներն են: Ինչպես հայտնի է, խորհրդային վարչակարգի կողմից տևական ժամանակաշրջանի ընթացքում ճնշման տակ գտնված իսլամը Ադրբեջանի անկախության ձեռք բերումից հետո սկսեց վերածվել ազգային ինքնությունը շեշտադրող հարմար խորհրդանիշի: Ըստ այնմ, Իրանը մեծ հույսեր սկսեց կապել Ադրբեջանի հետ իր կոմֆեսիոնալ միասնության հետ, մասնավորապես որ Հ.Ալիևը ժամանակ առ ժամանակ հաճախություններ էր կատարում իսլամի հասցեին, հայտարարելով, որ ինքը Խորհրդային Միության ղեկավարության մեջ (որպես քաղբյուրոյի անդամ) միակ մահմեդականն էր:⁵⁹ Նա ցուցադրական ձևով հաճախ մասնակցում էր նոր կառուցված մզկիթների բացման արարողություններին, իսկ մեկ անգամ մույմիսկ հայտարարեց, որ «միմյանց այնքան մեծն ոչ մի ուրիշ երկիր չկա, որքան Իրանն ու Ադրբեջանը»:⁶⁰

Այս բոլորը Թեհրանին հիմք էր տալիս ենթադրելու, որ Ադրբեջանում հնարավոր կլինի վերակենդանացնել «ուսմայի» և մահմեդական եղբայրության գաղափարները, որոնք կարող էին հոգեկան կովան հանդիսանալ նրանց մերձեցման համար:⁶¹

¹ 1995թ. մարտին Բաքվում Հ.Ալիևի իշխանության դեմ զինված ելույթ կազմակերպած Ջավադով եղբայրներից մեկը, որը Ադրբեջանից փախուստի դիմելուց հետո ընդունել էր ավաորիական հպատակություն և որպես քաղաքական վտարանդի գտնվում էր Իրանում:

Անշուշտ Ադրբեջանի հետ իրենց հարաբերությունների սկզբունքները մշակելիս Թեհրանում իրենց հաշիվ էին տալիս, որ իսլամական հեղափոխության արտահանումը Ադրբեջան և այնտեղ իսլամական արմատականության քաղաքական ծավալումը կարող է լինել անհեռանկար ու անհեռատես քաղաքականություն, որովհետև այն կարող է առաջ բերել Բաքվի աշխարհիկ ղեկավարության հակազդեցությունը և տեղիք տալ այդ երկրի ապակայունացմանը, որի վտանգավոր պիքները կարող էին անցնել Արաքսը և թափանցել Իրանական Ադրբեջան: Ոստի իրանական դիվանագիտության մարտավարությունը ուղղված էր նրան, որ Ադրբեջանում Իրանը աստիճանաբար մուտք գործի համագործակցության ամենաբազմապիսի բնագավառները, աշխատելով քայլ առ քայլ շահել այդ երկրի մահմեդական բնակչության համակրանքը:՝ Սակայն ի հիասթափություն Թեհրանի, կոնֆեսիոնալ միասնության գործունը չաշխատեց: Նախ պարզվեց, որ Ադրբեջանում իսլամական գործունի խորը ընկալման համար բավարար հող գոյություն չունի: Այդ առթիվ Բաքվում ԻԻՀ ղեսպան Ա. Բիզդեյին իր մամուլի ասուլիսներից մեկում հայտարարել էր, որ «Ադրբեջանում գոյություն ունեն բուշահիլյան գաղափարախոսության մնացուկներ»: Այնուհետև Ադրբեջանի հանրապետությունում ընդունված նոր սահմանադրությամբ երկիրը հայտարարվեց լայիք /աշխարհիկ/ պետություն, կրոնը համարվեց պետությունից անջատ և բացառվեց Ադրբեջանում իսլամական պետական ինստիտուտների առկայությունը: Այդ փաստը ի դեռևս հանեց Թեհրանում փայփայվող այն երազանքը, որ Ադրբեջանը կընդունի ոչ թե թուրքական լայիք, այլ իրանական իսլամական մոդելը: Սահմանադրության մեջ լայիք համակարգի սկզբունքների որդեգրումը Թեհրանում ոչ առանց հիմքի ընկալվեց որպես Թուրքիայի հետ տնտեսական և քաղաքական ինտեգրացման ձգտում, որը ԻԻՀ մեկնաբանությամբ անմիջականորեն ուղղված է տարածաշրջանում Իրանի ռազմավարական շահերի դեմ: Ուստի Թեհրանը փորձեց Ադրբեջանում շրջանառության մեջ դնել ազգայնականության կոնֆեսիոնալ տարբերակը, որը նույնպես չաշխատեց:

Թեհրանի համար անսպասելի էր նաև Ադրբեջանում «Իսլամական կուսակցության» գործունեության կասեցումը, իսլամամեա գործիչների ձերբակալությունները, իսլամական ակտիվիստների նկատմամբ կիրառվող հալածանքները և այլն: Ոչ պակաս անսպասելի էր նաև այն, որ ընդհանուր առմամբ Հ. Ալիևի վարչակարգին հաջողվում է բնակչության քաղաքական եռանդը մղել որոշակի, իր համար ցանկալի հունով և իսլամական կրոնն օգտագործել որպես զանգվածներին ակտիվացնելու վստահելի միջոց՝ նրանց ակտիվությունը ի հարկին օգտագործելու համար: Թեհրանում զայրույթի վաթորիկ առաջ բերեց Ադրբեջանի կառավարության կողմից «Իսլամական կուսակցության» մի քանի անդամ-

ների նկատմամբ ներկայացված մեղադրանքը Թեհրանի օգտին լրտեսություն անելու մեջ: 1996թ. վերջին Բաքվում տեղի ունեցավ այդ կուսակցության ղեկավարների դատավարություն, որոնց դատապարտեցին տարբեր ժամկետների ազատազրկման: Թեև քիչ անց նախագահ Հ. Ալիևը «մեծաեռգաբար» ներում շնորհեց նրանց, սակայն դրանից հետո ևս կուսակցության նախագահ Ալիքրամ Ալիևը, նրա տեղակալ Հաջիադու Նուրիևը և ուրիշներ շարունակում էին գտնվել խիստ հսկողության տակ: Ի դեպ, սրանց ազդեցության ներքո գտնվող Նարդարան գյուղը բացահայտ առնակատման մեջ է գտնվում Հ. Ալիևի վարչակարգի հետ, որը հաճախ վեր է ածվում նաև զինված ընդհարումների: Բանը հասել էր նրան, որ Նարդարանի բնակիչները գյուղի կենտրոնական հրապարակում իրենց համար փորել էին գերեզմաններ և հայտարարել, որ պատրաստ են մեռնելու հանուն հավատի ու արդարության:⁶³ Այսպես կոչված «Հարավային Ադրբեջանի ազգային-ազատագրական շարժման» կողմից հրապարակված «Անադմուկ պատերազմ» գրքույկում խոսվում էր այն մասին, որ Ադրբեջանի «Խալանական կուսակցությունը» համագործակցում է Իրանի հատուկ ծառայությունների հետ, և որ իբր Իրանական ղեկավարությունը ծրագրեր ունի Ադրբեջանում իրականացնելու հեղաշրջում:⁶⁴

Դժվար չէ նկատել, որ այս բոլորի մեջ Բաքվի իշխանությունները ուժգին կերպով ձգտում են որոնել իրանական հետք: Ուստի իսլամիստների ողջ գործունեությունը դրվեց Կովկասի մահմեդականների խզտոր վարչության և նրա ղեկավար Ալլահշյուքուր Փաշազադեի անձնական հսկողության տակ:⁶⁵

Բաքուն հատկապես վախենում է Իրանի տարածքից իսլամական արմատականության թափանցումից Ադրբեջան: Ադրբեջանի Եվրաստլանտյան կենտրոնի նախագահ Ասիմ Մոլլազադեն գրում է, որ 1993թ.-ից սկսած Իրանը դեպի Ադրբեջան իսլամական արմատականության արտահանման վրա ծախսել է մոտ 46 միլիոն դոլար:⁶⁶ «Ենի Ագերբայջան», «Խալդ», «Ագերբայջան» և մի շարք այլ թերթեր հրապարակում էին հոդվածներ, որոնցում պնդում էին, որ Իրանը ֆինանսավորում է Ադրբեջանի ընդդիմադիր ուժերին ներքին քաղաքական իրադրության ապակայունացման նպատակով:⁶⁷

Իրան-Ադրբեջան հարաբերությունների լարվածության մյուս գործոնը Կասպից ծովի կարգավիճակի հարցն է: Այդ պրոբլեմը բազմաբնույթ է և իր մեջ ներառում է ինչպես տնտեսական, այնպես էլ քաղաքական խնդիրների մի ամբողջ փունջ: Կասպից ծովի իրավական կարգավիճակի հարցում Իրանի և Ադրբեջանի դիրքորոշումների մեջ առկա են էական տարբերություններ:⁶⁸ Իրանական տեսակետի համաձայն, Կասպիցը ընդհանուր լիճ է և հետևաբար ածխաջրածնային հարստություն-

ներն էլ ընդհանուր են: Ուստի Իրանի կողմից պարբերաբար ձեռնարկվում են որոշակի քայլեր, որոնց նպատակն է՝ թույլ չտալ առափնյա պետություններին սկսել վիճահարույց մավթահանքերի արդյունաբերական շահագործումը: Անկասկած Իրանի և Ադրբեջանի միջև առկա հակասությունները ի վերջո պայմանավորված են մավթային պայմանագրերում Իրանի անբավարար ներգրավվածությամբ: Օգտագործելով տարածաշրջանում իր ողջ ներուժը, Իրանը չի դադարեցնում պայքարը իր համար հնարավոր լավագույն «քաժանում» ապահովելու նպատակով: Հարցի մյուս կողմը կայանում է նրանում, որ թեև կասպիական մավթի արտահանման ամենահարմար տարանցիկ ենթակառույցները, ինչպես նաև հնարավորությունները, տնօրինում է հենց Իրանը, գլխավորապես ԱՄՆ-ի ջանքերով մա հետևողականորեն դուրս է մղվում կասպիական խաղերից: ԱՄՆ-ը հասկանալի պատճառներով դեմ է, որ կասպյան ավազանի էներգակիրները միջազգային շուկա հանվեն Իրանի տարածքով, Պարսից ծոցի վրայով, թեև այդ տարբերակը առևտրական տեսակետից ևս առավել նպատակահարմարն է,⁷⁰ որովհետև կարող է ապահովել կասպիականի մավթի և գազի ամենաարագ և կարճ ճանապարհով տեղափոխումը: Որքան էլ որ բարդ լինի գոյություն ունեցող, առաջարկվող և ենթադրվող մավթամուղների պատկերը, նրանք բոլորը անցնում են ոչ թե մեկ, այլ մի քանի երկրների վրայով: Այնպիսի տրոսկված մի տարածաշրջանում, ինչպիսին կասպիականն է, դա առաջ է բերում համարյա անլուծելի պրոբլեմներ: Եվ միայն մեկ ուղեգիծը դեպի հարավ, դեպի Պարսից ծոց, անցնում է միայն մեկ երկրի՝ Իրանի տարածքով: Սակայն քաղաքական պատճառներով Վաշինգտոնը դեմ է այդ տեսակետին, ուստի մշակվեց Իրանը շրջանցող մավթատար և գազատար խողովակաշարքերի հայտնի Բաքու-Թբիլիսի-Ջեյհան մախագիծը՝ երեք միլիարդ դոլար արժողությամբ, որը Թուրքիային և ոչ թե Իրանին դարձնում է տարանցիկ տարածք, որի վրայով կասպիական մավթը պետք է հասցվի համաշխարհային շուկաներ:

Առհասարակ Իրանը չափազանց հիվանդագին կերպով է արձագանքում տարածաշրջանում Սիացյալ Նահանգների ակտիվության նկատմամբ: Իրանական մամուլը մշտապես զարգացնում է այն միտքը, որ Վաշինգտոնի համառ վարձերը ընդլայնելու իր ներկայությունը մերձկասպյան տարածաշրջանում ստեղծում է որոշակի լարվածություն և ապակայունացնում իրադրությունը:⁷⁰ Իրանում գտնում են, որ Պարսից ծոցից հետո Կասպից ծովի ավազանում ամուր ոռոգի տեղ անելու խնդիրը ԱՄՆ-ի համար միշտ էլ եղել է «պատմական երազանք»: Թեև Իրանի համալսարանի պրոֆեսոր Հաֆեզգիյան գտնում է, որ ԱՄՆ-ի կողմից Ադրբեջանի և Կասպից ծովի տարածաշրջանի նկատմամբ իրագործվող քաղաքականության կապակցությամբ Իրանի համար ծա-

գել են մի շարք խնդիրներ, այդ թվում նաև անվտանգության պրոբլեմներ և Կասսից ծովի ավազանում կոնֆլիկտների ծագման հավանականության մեծացում:⁷¹ Առհասարակ ԻԻՀ արտաքին քաղաքականության հիմնարար սկզբունքներից մեկն այն է, որ պետք է պահպանվի առկա երկրաքաղաքական հավասարակշռությունը: Տարածաշրջանային երկրները չպետք է թույլ տան, որ արտաքին ուժերը միջամտեն ռեգիոնի երկրների ներքին գործերին, կամ վարձեն այս կամ այն ձևով որոշել տարածաշրջանի երկրների ապագա մակատազիրը: Իրանը բնավ չի ցանկանում նաև իր սահմանների մոտակայքում տեսնել արևմտյան ընկերություններին: 1999թ. գարնանը ԱՄՆ-ում Ադրբեջանի հետ նոր նավթային պայմանագրերի ստորագրումից հետո Իրանի արտգործնախարարությունը հանդես եկավ հատուկ հայտարարությամբ, որտեղ ասվում էր, որ ադրբեջանա-ամերիկյան նավթային համաձայնագրերը Թեհրանը համարում է ոչ լեգիտիմ:

1997թ. գարնանը ԻԻՀ ազդեցիկ քաղաքական գործիչներից մեկը՝ Մեջլիսի նախագահ Ալի Աբբաս Նաթեղ Նուրին հանդես եկավ հետևյալ հայտարարությամբ. «Ադրբեջանի նախագահ Հ.Ալիևը պատմական սխալ է թույլ տալիս հիմքեր ստեղծելով ամերիկացիների միջամտության համար մերձկասպյան պետությունների գործերին»: Որպես պատասխան քայլ Վաֆա Գուլուզադին կտրուկ արտահայտություններով հակադարձեց իրանական Մեջլիսի խոսնակին և Բաքուն իր «վճռականությունը» դրսևորելու համար հետաձգեց ԻԻՀ արտգործնախարարի տեղակալ Աբբաս Մալեքիի նախապես ծրագրված այցը Ադրբեջան:⁷²

Իր հերթին ադրբեջանական կողմը զանազան մեղադրանքներ է ներկայացնում Իրանի հասցեին: Այսպես, վկայակոչելով Լոնդոնի «Թայմս»-ը, ադրբեջանական թերթերը Իրանին մեղադրում էին նրանում, որ իբրև նա Կասսից ծովը օգտագործում է մեկ այլ երկրի սպառնալիքությունը Հայաստանին, քրդերին, բոսնիական սերբերին վախանցելու, ինչպես նաև սեփական նպատակների, մասնավորապես ստրատեգիական նշանակության հրթիռներ պատրաստելու բաղադրամասեր ստանալու համար: 1998թ. մարտի 26-ին Աստարայի մաքսատանը կալանքի տակ դրվեց Ռուսաստանից Իրան ուղարկվող մի բեռ 21,7 տոնն քաշով: Բեռի պարունակությունը չժանգոտվող մետաղաթերթեր էին: Ադրբեջանի Անվտանգության ծառայությունների կարծիքով, այդ ապրանքը նախատեսված էր հեղուկ վառելիքով աշխատող բալիստիկ հրթիռներ պատրաստելու համար: Բեռը կալանքի ենթարկելու հենց նույն օրը Ադրբեջանը այդ մասին տեղեկացրեց Վաշինգտոնին:⁷³ Անկասկած ադրբեջանական լրատվամիջոցների կողմից նման հրապարակումների նպատակը մեկն է՝ պետք է վախճել Կասսից ծովի իրավական կարգավիճակը, որպեսզի հնարավորություն ստեղծվի ստուգման ենթարկելու Ռուսաստանի և Ի-

րանի միջև երթևեկող նավերը, ինչպես դա ամուսն են թուրքերը Անժուվյան նեղուցներում:⁷⁴

Իրանի և Ադրբեջանի տևական բանակցությունների ընթացքում հնարավոր չեղավ վերոհիշյալ հարցերի, մասնավորապես կասախականի պորբենի կապակցությամբ ընդհանուր հայտարարի բերել կողմերի դիրքորոշումները: Ընդհակառակը, նրանց միջև լարվածությունը ժամանակ առ ժամանակ ընդունում էր պայթյունավտանգ ու սուր բնույթ: Այսպես, 2001թ. հուլիսի 23-ին իրանական մի ռազմաճակատ և երկու ռեակտիվ ինքնաթիռներ ստիպեցին, որ գեոֆիզիկական հետախուզության ադրբեջանական նավը հեռանա հետազոտության այն վայրից, որ Թեհրանը համարում է Կասպից ծովի իր հատվածը:⁷⁵ Այդ միջադեպից հետո Բաքուն մեղադրեց Իրանին, որ նա վարձում բռնագավթել Կասպից ծովի նավթով հարուստ ադրբեջանական սեկտորի մի մասը: Որպես մկանների ցուցադրման պատասխան քայլ, Թուրքիայի զինված ուժերի զխսավոր շտաբի պետ գեներալ Հուսեյն Կիվրիկօղլուն օգոստոսի 23-ին պաշտոնական այց կատարեց Բաքու, որի ընթացքում Թուրքիայի ռազմա-օդային ուժերի տասը Ֆ-16 կործանիչներ ուղեկցում էին գեներալին, իսկ ապա սկսեցին Բաքվի վրա կատարել ցուցադրական թռիչքներ:⁷⁶

Այդ միջադեպի առթիվ ամերիկյան վերլուծաբան դոկտոր Արիել Քոենը հանդես եկավ մի հոդվածով, որտեղ պահանջում էր, որ «Վաշինգտոնը պետք է բոլոր միջոցները ձեռնարկի, որպեսզի ամերիկացիները կողմնորոշվեն ունեցող Ադրբեջանը չենթարկվի Իրանի կողմից ուժային ճնշման և որպեսզի «Բրիքիշ-պետրոլեում-Ամոքո», «Շևրոն», «Էքսոն-Մոբիլ», «Ֆրոնտլերա-ռետլուիս» և այլ նավթային ընկերությունները, որոնք փաստորեն դարձել են տարածաշրջանի զարգացման շոգեքարշը, աշխատեն միանգամայն հանգիստ պայմաններում և վտանգի ոչ մի զգացում չունենան»:⁷⁷ Այդ վտանգի զգացումը իսպառ բացառելու համար ամերիկացի վտրձագետը նախ առաջարկում էր վերացնել դարաբաղյան պատերազմի ժամանակ 1992թ. ամերիկյան կոնգրեսի կողմից ընդունված «Ազատության պաշտպանության ակտի» 907 ճշտումը և ապա ուժեղացնել Ադրբեջանի հետ ուղղակի ռազմական համագործակցությունը, ԱՄՆ-ի «լուսնային ներդնելով» Ադրբեջանի ցամաքային, ծովային, օդային և սահմանային պաշտպանության ուժերի ստեղծման գործում: Միաժամանակ նա գտնում էր, որ անհրաժեշտ է նպաստել Ադրբեջանի կապերի ամրապնդմանը ՆԱՏՕ-ի հետ և աջակցել այդ համրապետության ռազմական հզորության մեծացմանը «գործընկերություն հանուն խաղաղության» ծրագրի շրջանակներում համագործակցության հիմքի վրա:⁷⁸

2002թ. մայիսին տեղի ունեցավ Հ.Ալիևի պաշտոնական այցն Իրան, որն անընդհատ հետաձգվում էր 2001թ. ամռանից սկսած: Եվ թեև

կնքվեցին մոտ մեկ տասնյակի հասնող նոր միջպետական համաձայնագրեր, սակայն իրանա-ադրբեջանական հարաբերություններում որակական փոփոխություններ ու տեղաշարժեր տեղի չունեցան: Կողմերը չկարողացան համաձայնության գալ մաս Կասպից ծովի իրավական կարգավիճակի հարցում: Ավելին, այցի ընթացքում իրանական մամուլը ծավալեց հակաադրբեջանական բուռն քարոզարշավ:⁹

Այս բոլորն անշուշտ չի նշանակում, որ Իրան-Ադրբեջան հարաբերությունների պայագան անհուսալի կերպով անդռոշ է ու մշուշապատ: Կասկածից վեր է, որ Ադրբեջանի հանրապետությունը իր կարևոր տեղն ունի ԻԻՀ տարածաշրջանային քաղաքականության մեջ և Թեհրանում գտնում են, որ ելնելով ազգային ու տարածաշրջանային շահերից, ԻԻՀ-ը պարտավոր է լավ հարաբերություններ պահպանել Ադրբեջանի հետ, մանավանդ որ վերջինս այնուամենայնիվ հանդիսանում է իսլամը դավանող երկիր, իսկ ԻԻՀ-ը իր արտաքին քաղաքականության բնագավառում առաջնությունը տալիս է իսլամական երկրների հետ համագործակցությանը: ԻԻՀ սահմանադրության 11-րդ հոդվածում, որպես նպատակ, խոսվում է իսլամական աշխարհի քաղաքական, տնտեսական և մշակութային միասնության հասնելու մասին: Անկախ դրանից, Թեհրանն ամեն կերպ աշխատում է ներկայացնել որպես իսլամական ժողովուրդների իրական շահերի մենատեր արտահայտիչ: Ընդհանրապես ներկա աշխարհում ոչ մի ժամանակակից պետության բնորոշ չէ այնպիսի գաղափարականացված քաղաքականություն, ինչպիսին Իրանինն է:

Վերջին տաս տարիների ընթացքում ԻԻՀ-Ադրբեջան առևտրատնտեսական հարաբերությունների ցուցանիշները միշտ էլ բարձր են եղել: Դանդաղորեն, բայց այնուամենայնիվ երկու երկրների միջև ձևավորվում են տրանսպորտային ենթակառուցվածքներ: Կասպից ծովի համագործակցության երկրների կազմակերպության անդամ պետությունների հետ առևտրատնտեսական հարաբերություններ իրականացնելիս, Ադրբեջանը արտոնյալ պայմաններով օգտվում է Կասպից ծովի Էնգելի և Նոռուշահր մավահանգիստներից, ինչպես մաս Իրանի հաղորդակցության ճանապարհներից: Կասպից ծովի իրանական ափին կառուցվող Ամիրաբադ մավահանգստի շինարարության ավարտից հետո կիրականանա Ամիրաբադ-Բաքու լաստամավային գետանցը: Ծրագրեր կան միացնելու երկու երկրների երկաթուղագծերն ու ավտոմոբիլային ճանապարհները: «Ազերբայջան հավայոլլարի» և իրանական «Քասպիյան Էյրլայնզ» ավիաընկերություններն իրականացնում են ուղիղ օդային չվերթներ Բաքվի և Թեհրանի միջև: «Քասպիյան Էյրլայնզը» ունի օդային չվերթներ մաս հետևյալ ուղղություններով. Թեհրան-Բաքու, Թավրիզ-Բաքու, Թավրիզ-Նախիջևան: Ադրբեջանում գործում են ավիայի քան 300 իրանա-ադրբեջանական համատեղ ձեռնարկություններ և 200

գուտ իրանական ձեռնարկություններ: Վերջապես ԻԻՀ-ն ևս ինչ-որ չափով ընդգրկված է Ադրբեջանի նավթային պայմանագրերի մեջ և այլն: Իրանը նաև հատուկ հետաքրքրություն է դրսևորում Նախիջևանի նկատմամբ: Նախագծեր կան Իրանի կողմից Նախիջևանում կառուցելու ցեմենտի գործարան, առևտրական խոշոր կենտրոն, իրականացնելու Խոյ-Նախիջևան զազատարի շինարարությունը և այլն: Առավել հեռու ապագայում ծրագրվում է վերականգնել Բաքու-Նախիջևան երկաթուղագիծը, որի Մեդրիով ընդհատվող հատվածը անցնելու է Իրանի տարածքով: Ներկայումս Իրանի տարածքով իրականացվում է նաև Ադրբեջանի և Նախիջևանի միջև ադրբեջանական բեռնատարների երթևեկությունը, գործում են ավտոբուսային չվերթներ Նախիջևանի մի կողմից՝ Թավրիզի, Ուրմիայի, Մակուի, Խոյի, Մարանդի և Արդեբիլի միջև մյուս կողմից: Ծրագրվում է Արաքս գետի վրա «Օրդուբար» և «Ճուղաֆարին» հիդրոհանգույցների և Փոլդաշտահ քախքի կոչված սահմանային շրջանում մշտական կամուրջ կառուցելու հարցը: 1997թ. ԻԻՀ-ն և Նախիջևանի Ինքնավար հանրապետության միջև ստորագրված փախըմբոման համաձայնագրով երկու երկրների քաղաքացիների երթևեկությունը իրականացվում է առանց վիզայի:

Այս բոլորն անշուշտ վկայում է այն մասին, որ չեն թուլանում Ադրբեջանում իր ներկայության և ազդեցության ամրապնդման ուղղությամբ Իրանի կողմից գործադրվող ջանքերը:

Նրա համար սկզբունքորեն կարևոր նշանակություն է ձեռք բերում ոչ միայն իր ունեցած հարաբերությունները տարածաշրջանի պետությունների հետ, այլև նույն տարածաշրջանի պետությունների միմյանց հետ ունեցած միջպետական հարաբերությունները:

VAHAN BAYBURDYAN

IRAN-AZERBAIJAN: NEIGHBORS OR GEOPOLITICAL-ECONOMICAL ENEMIES?

After the collapse of the USSR and the creation of the so-called "Southern Zone" of newly formed-independent countries the southern parts of the Caucasian countries became highly competitive. Here the interests of Great States clashed as well as those of regional force centers and in particular the interests of the Islamic Republic of Iran and Turkey. In this article the political aspect of Iran-Azerbaijan relations is analyzed on the basis of the International relations developing in this very region.

Particularly it is mentioned that the complicated as well as contradictory development of those relations makes it difficult for the analyzers to clarify whether Iran-Azerbaijan relations were those of frontier neighbors or of confrontational nature of geopolitical-economical enemies.

The fundamental question of Nagorno Karabakh, Islamic factor in Iran-Azerbaijan intergovernmental relations, the Caspian Oil factor as well as other problems are also examined in the article on the basis of crucial facts. Especially thoroughly is explained the question that one of the main reasons of Iran-Azerbaijan intergovernmental discrepancy is Iranian Azerbaijan or the so-called "Southern Azerbaijan" problem. The utopian plans of great number of political forces who want to unite Iranian Azerbaijan with the Republic of Azerbaijan, thus creating "the Great Azerbaijan" is also highlighted.

The official visit of Azerbaijanian president Haidar Aliev to the Republic of Islamic Iran in May 2002, is particularly stressed in the article. Though new intergovernmental agreements were signed between the two sides, so far crucial changes and transpositions haven't taken place in Iran-Azerbaijan relations.

ԾԱՆՈԹԱԳՐՈՒԹՅՈՒՆՆԵՐ

1. Шу' Бюлент Араз, Турция: некоторые особенности отношений с государствами Закавказья. "Центральная Азия и Кавказ", 5 (17), 2001, с.104.
2. Шу' Swietochowski Tadeusz. Azerbaijan: Perspectives from the Crossroads. "Central Asian Survey", December, 1999, vol. 18, N 4, p. 425.
3. Малеки Аббас. Иран и Туран: к вопросу об отношениях Ирана с государствами Центральной Азии и Закавказья. "Центральная Азия и Кавказ", 5 (17), 2001, с.19.
4. Шу' Shaffer Brenda. Partners in Need: The Strategic Relationship of Russia and Iran. Washington Institute for Near East Policy. Policy Paper, N 57, 2001, p. 34.
5. Шу' Maleki Abbas. Iran and Russia: Neighbors without Common Borders. Դետկալ գրքում. Gennady Chufrin (ed.) Russia and Asia: The Emerging Security Agenda, SIPR: Oxford University Press, 1999, p. 230-265.
6. Малеки Аббас. Иран и Туран, с. 110. Шу' Գալ ԻՏԱՐ-ТАСС, 1991, 3 декабря.
7. Азеринформ, 1991, 16 августа.
8. Бигдели А., Обзор отношений между Исламской Республикой Иран и Республикой Азербайджан. "Аму-Дарья" 1999, N 2, с.19.
9. "Քեյհան" (պարսկերեն լեզվով թերթ), Լոնդոն, 11 հունիսի 1992թ.:
10. "Քեյհան", Լոնդոն, 4 հունիսի 1992թ.:
11. "Արաբս", Թեհրան, հուլիս, 1993թ.:
12. Բեգիջանյան Է., Իրանա-ադրբեջանական փոխհարաբերությունների հարցի շուրջ, Երևան, 2001, էջ 56:
13. Altstadt A.L. Azerbaijan's Struggle toward democracy. Conflict cleavage and change in Central Asia and the Caucasus. Cambridge University press, 1997, p. 125-127.
14. Բեգիջանյան Է., նշվ. աշխ., էջ 70:
15. Бигдели А., նշվ. աշխ., էջ 20:

16. Ислам Назаров: Азербайджано-иранские отношения сегодня и перспективы на ближайшие годы. "Центральная Азия и Кавказ", 5 (23), 2002, с.95.
17. Stui' A hero of time. "Economist", 1994, Februari 12-18, N 7850, p. 30.
18. "Քեչիչիան", Լոնդոն, 24 հուլիսի 1993թ.:
19. Stui' Kechichian Goseph A. Theodore W. Karasik. The Crisis in Azerbaijan: how clans influence the politics of an emerging republic. "Middle East Policy", 1995, September, V. 4, N 1-2.
20. Stui' Дипломатия мира (об итогах визитов президента Азербайджанской республики Гейдара Алиева в зарубежные страны 1993-1997), Баку, 1997, с.125.
21. Бигдели А., Обзор..., с. 21.
22. "Бакинский рабочий", 1994, 29 марта.
23. Out of the empire and into the fire. "US News and World Report", 1993. October 4, N 13, p.39.
24. Stui' Малеки Аббас. Иран и Туран, с. 111.
25. Երկրի տեղում:
26. Բեգիշանյան է., Եզվ. աշխ., էջ 72:
27. "Ռեսալար", 29 հուլիսի, 1993թ.:
28. Stui' Кулиев Г., Мифы и реальности нефтяной стратегии Азербайджана. "Центральная Азия и Кавказ", 1999, N 4, с.164.
29. Independent News Agency "Sarg" Бюллетень.-1999, 9 марта, N53, с.2.
30. "Tehran Times", 26 april, 2001.
31. "Бакинский рабочий", 1998, 14 августа.
32. "Зеркало", 1997, N50, с.8.
33. Насер Сагафи Амери. От главного редактора. "Аму-Дарья" 1999, N 2, с.10-11,16.
34. Кулиев Г.Г., Геополитические коллизии Кавказа. "Центральная Азия и Кавказ", 1999, N 3, с.28.
35. Оруджев И., Гейдар Алиев и национальная политика. "Бакинский рабочий", 1998, 13 января.
36. "Бакинский рабочий", 1998, 10 января.
37. "Լրագիր", 11 օգոստոսի, 1995թ.:
38. "525 gazet", 1999, 28 сентября.
39. "Зеркало", 1998, N17, с. 11.
40. "Зеркало", 1999, N5, с.30.
41. Independent News Agency "Sharg" Бюллетень.-1999, 19 марта, N62, с.3.
42. "Зеркало", 1998, N23, с.26.
43. Stui' "Transitions", 1997, Vol. 4, N 4, September, p. 64.
44. "Зеркало", 1998, N23, с.4, 10.
45. "Зеркало", 1999, N120, с.4.
46. "Зеркало", 1999, N83, с.2.
47. "Зеркало", 1998, N2, с.10.
48. "Зеркало", 1998, N5, с.10.
49. "Зеркало", 1999, N48, с.2.

50. "Зеркало", 1998, N11, с.11.
51. "Зеркало", 1999, N15, с.18.
52. "Бакинский рабочий", 1998, 10 января.
53. Жигалина О.И., Эволюция национальной политики в ИРИ (1978-1998). Иран: эволюция исламского правления, М., 1998, с. 38.
54. Stui' Богданов М., Курс на Москву? "Независимая газета", 1999, 22 сентября.
55. Жигалина О.И., Աշխարհ, էջ 42:
56. Жигалина О.И., Этносоциальная эволюция иранского общества, М., 1996, с. 211-212.
57. "Зеркало", 1999, N31, с.4.
58. "Зеркало", 1999, N1, с.10.
59. "Бакинский рабочий", 1999, 27 октября.
60. "Бакинский рабочий", 1999, 12 октября.
61. Նույն տեղում:
62. Stui' Հարիրոլլա Արուիսաան Շիրազի, Մեկնաբնա-յե աշիւ-յե միանե, Թեհրան, 1992, էջ 336-337 (Պարսկերեն լեզվով):
63. The Iranian Journal of International Affairs, Spring 2000, Vol. XII, N1, p. 34.
64. Ислам Назаров, Աշխարհ, էջ 98:
65. Stui' "Центральная Азия и Кавказ", 5 (17), 2001., с.95-96.
66. "Зеркало", 1998, N31, с.4.
67. Моллазаде А., Безопасность Южного Кавказа и региональное сотрудничество. "Центральная Азия и Кавказ", 1999, N3, с.59.
68. "Зеркало", 1998, N46, с.4.
69. Stui' Ардебили Х.К., Правовой режим Каспийского моря, развитие ресурсов и энергетических магистралей. "Аму-Дарья" 1999, N 1, с.17.
70. Stui' Bhatti R. and Bronson R., Nato's Mixed Signals in the Caucasus and the Central Asia. Survival, Autumn 2000, Vol. 42, p. 129-145.
71. Iran News, 1999, 22 փետրվարի:
72. Stui' Первый совместный Круглый стол Исламской Республики Иран и Республики Азербайджан. Институт политических и международных исследований, 12 мая 1999, "Аму-Дарья" 1999, N 2, с.129.
73. "Независимая газета", 1997, 16 апреля.
74. "Зеркало", 1998, N16, с.5, N 17, с.22.
75. "Зеркало", 1999, N126, с.5.
76. Stui' Iskenderov M., Wall T., Caspian Sea Disputes Flare, Raising Doubts about Oil and Gas Exploration. Eurasianet org., 7 august, 2001.
77. Др. Ариэль Козн. США: задачи в сфере защиты безопасности каспийских углеводородов от посягательств Ирана. "Центральная Азия и Кавказ", 1 (19) 2002, с.41.
78. Նույն տեղում, էջ 47:
79. Նույն տեղում, էջ 49: